



TOP-UP & WIN YOUR DREAM CAR

Worth of K25,000 every month

TELKOM PNG
Always Here!

3417 Customer Care: Call 345 6789 or www.telkompng.com.pg

*Check Instore Posters for more details

FRI INTANET WANTAIM NO.1 3G+ NETWORK INSAIT LONG PNG

Palisin out of kalesale samting long world wantaim 100MB fri intanet taim you baile wangela Huawei G8500 Phone bilong you. World bilong yumi!

TRAWEEN: Kendidet noken giaman long pasim wok kaunim.



Elektrol Komisina Andrew Trawen i go raun long kaunim ples bilong Mosbi Not Wes ilektret long sekim sampela hevi we bin kamap long balot bokis. Em sanap sekim tupela wok manmeri bilong em long mekim gutpela wok.
Poto Nicky Bernard.

EM TAIM BILONG KAUNIM

6 Julai - 27 Julai
(21)
De moa...

ELECTORAL COMMISSION
Papua New Guinea

2012 VOTE LPV

PNC, NA, Indipenden kendidet i resis pas T.H.E. Pati, PPP ron baksait

Aja Alex Potabe i raitim

OL KENDIDET ron aninit long nem bilong tupela biknem politikel pati na ol indipenden kendidet long Ileksen 2012 i wok long resis pas long ol kendidet bilong ol arapela pati.

Planti bilong ol kendidet bilong Pipols Nesenel Kongres (PNC) Pati bilong keteka Praim Minista Peter O'Neill, na ol kendidet bilong Nesenel Alaiens (NA) Pati bilong Gren Sif Sir Michael Somare i nau stap antap long leda, na i luk olsem dispela tupela pati

bai resis long fomim nupela gavman bihain long Ilektral Komisnin (PNGEC) i kisim bek ol rit pepa bilong Ileksen 2012 bihain long dispela mun.

I go moa long pes 4

K249

3G+ **f** **t**

www.digicelpng.com

Digicel

OX & PALM
BLUE CORNED BEEF

I Stap wantaim yu long olgeta hap!!

RAIT BULI BIFI!!

TELI Apdeit

Citifon SMS Banking

Citifon offers the following mobile SMS banking services for its subscribers; Funds Transfer, Balance check, and Transaction History. Interested Citifon customers can contact their nearest Telikom Business office or Bank South Pacific branch to register for these services.

Funds Transfer

- 1.Go to menu.
- 2.Select message icon.
- 3.Select **"new message"**
- 4.Write **"Pay"** allow one space and type tag, allow another space followed by the amount
E.g. (Pay John 100)
- 5.Send text message to **16277**.

BSP SMS Banking responds with confirmation code **E.g. (P001041)**. Customer replies with confirmation code to initiate transfer of funds.

- 6.Send text message to **16277**.

SMS banking responds with transaction number **E.g. (103555)**.

Note: Subscribers of the **Funds Transfer** service must nominate their recipients during registration for the successful transfer of funds to occur.

Balance Check

- 1.Go to menu.
- 2.Select message icon.
- 3.Select **"new message"**
- 4.Write **"Bal"** followed by your account number **E.g. (Bal 1001223344)**
- 5.Send text message to **16277**.

Wait for BSP SMS Banking response with balance.

Transaction History

- 1.Go to menu.
- 2.Select message icon.
- 3.Select **"new message"**
- 4."Write **"Tx"** followed by the account number to be queried. **E.g. (Tx 10014223391)**
- 5.Send message to **16277** and await BSP SMS banking response with transaction history.

Mobile SMS Data & Voice top-ups and Balance Check

Recharge your data account

- 1.Scratch the silver panel at the back of the Telikad/Rait Card to reveal the 12 digits (xxxxxxxxxx)
- 2.Create new SMS
- 3.Type **D** for Data followed by *Telikad/Rait card voucher number

- 4.Send to 1257
- 5.Wait for your SMS feedback

*E.g Type (D*xxxxxxxxxx) send to 1257*

Recharge your voice account

- 1.Scratch the silver panel at the back of the Telikad/Rait Card to reveal the 12 digits (xxxxxxxxxx)
- 2.Create new SMS
- 3.Type **V** for Data followed by *Telikad/Rait card voucher number

- 4.Send to 1257
- 5.Wait for your SMS feedback

*E.g Type (v*xxxxxxxxxx) send to 1257*

Call 24/7 Customer Care on 3456789

Call 24/7 Customer Care on 345 6789

Polis sasim ol Tangu man long kilim indai na kaikai man

POLIS long Madang i sasim pinis 29-pela lain man husat i bin kilim indai ol manmeri long Tangu eria long Bogia distrik long Madang provins.

Man i go pas long wok bilong CID long Madang, Sif Inspekta Steven Yalamu i tok olsem polis i bin sasim dispela 29-pela lain man long Sarere wantaim tupela sas bilong kilim indai man.

Namel long ol dispela lain em polis i sasim em wanpela liklik boi husat i gat 10-pela krismas, na em bilong Biam viles klostu long Tangu stesin.

Sif Inspekta Yalamu i tokaut tu olsem i gat ol arapela sas i stap long ol dispela lain man long kilim indai na kaikai man, tasol polis i lukluk moa long sait long kilim man na i sasim ol.

Dispela sas long kilim man em bihain long polis i kisim stori bilong sampela ol lain husat i witnes o lukim ol lain ya i kilim indai tupela brata em Max na Patrick bilong ples Biam. Tasol ol arapela sas long kilim indai ol arapela lain tu i stap yet.

Ripot i tokaut olsem ol i kilim 7-pela lain we polis i save long en. Tasol

namba tru em dispela ol lain kalt grup i kilim na kaikaim mit bilong ol em i no kamaut ples klia yet.

Long nau yet dispela ol lain em polis i lokim i stap insait long Jomba Polis stesin long Madang taun.

Mista Yalamu i tokaut tu olsem polis i bin stopim ol long beil o larim ol lain ya i kamaut long bail bikos nogut ol i goaut bai ol i gohet long wokim wankain pasin gen o kirapim bel bilong ol arapela lain long wokim gen dispela kain pasin nogut.

Meri bilong wanpela brata em ol dispela lain i kilim i tokim Wantok Niuspepa olsem man bilong em i no poisin o sanguma man na ol dispela lain i kilim em indai. Em wanpela nomal man husat i save go kam long taun long mekim wok bisnis bilong em.

Dispela meri i gat 24 krismas na em i gat wanpela nupela bebi husat em 3-pela mun tasol.

Polis long Madang i tokaut tu olsem tupela lain husat i save go pas long dispela kalt grup long Biam viles long Tangu em tupela i givim ol yet pinis long polis.

Komanda bilong Madang Polis Repid Rispons Yunit (RRU),

Sinia Konstabol Daniel Kapin i tokaut olsem dispela wok bilong ol lain kalt grup bilong Tangu i bin kamap longpela taim i go pinis, na i gat bilip olsem ating ol i wokim sampela moa samting pinis long pastaim. Tasol moa wok painimaut i mas kamap long tokaut ples klia tru wanem samting ol lain ya i wokim.

Mista Kapin i tok ol komyuniti insait long Tangu olsem ol komyuniti lida, ol sios na tu Bogia distrik edministresen i mas wok bung wantaim long daunim dispela hevi long Tangu.

Em i tok Tangu na Bogia eria i gat planti gutpela saveman i wok long ol bikpela wok long ol arapela provins long kantri, na ol dispela lain tu i mas givim taim bilong ol long go givim gutpela tingting long lain bilong ol long ples na helpim long daunim dispela hevi.

Em i tok tu olsem ol pipel bilong Tangu i mas putim was nau long noken larim ol lain bilong narapela hap i go na givim kain kain tingting nogut long ol long kamap wantaim ol lain pasin nogut olsem kalt na pasin bilong kaikaim man.

Benk bilong ol ples man

Andrew Molen i raitim

NAU ol manmeri long ples i noken wari long haitim mani bilong ol insait long raun, long bokis, tin, aninit long haus o bihainim longpela rot i kam long taun long putim mani bilong ol long benk.

Dispela em bilong wanem benk sevis i go long ples nau long helpim ol manmeri.

BSP benk i kamapim dispela aninit long nupela progrem bilong ol, "BSP Rural."

Bosman bilong BSP Rurel, Kili Tambua, i tok astingting bilong ol em long mekim laip bilong ol manmeri bilong ol rurel ples i isi long sevim gut mani bilong ol.

"Ol manmeri bilong yumi long taun na bikpela siti tasol i save long yusim ol benk sevis tasol planti moa manmeri bilong yumi stap long ol ples na rurel eria tasol ol i no save gat dispela sevis," Mista Tambua i tok.

Insait long dispela progrem, BSP bai trenim sampela ol manmeri long ples long kamap olsem ol kes ejen (cash agent) bilong ol long ples.

Dispela ol kes ejen em ol bikpela manmeri olsem ol lain i gat stua na liklik bisnis.

Ol bai wok olsem benk long ples we ol manmeri ken i go sevim, rausim mani o sekim akaun bilong ol.

"Nau, ol i no inap wari long wes-tim mani long bihainim longpela rot i kam long taun," Mista Tambua i tok.

Sapos wanpela man o meri laik opim wanpela akaun, em i ken go long dispela ol ejen tu.

Wok bilong opim akaun i no inap long taim, nau tasol bai ol i stretim pepa wok na kisim poto bilong yu.

Long wankain taim bai dispela

poto na ripot bilong ol pepa wok bilong akaun i kamap long ol rekot bilong benk long taun na yu bai kisim Kundu kad bilong yu tu nau tasol.

Mista Tambua i tok ol bai yusim wanpela liklik kompyuta masin ol i kolim tablet.

"Olgeta ejen bai gat dispela masin, EFTPOS masin na ol kad.

"Mipela i laik kisim dispela ol teknoloji go long ol pipol bilong yumi long ol rurel eria tu na dispela bai helpim ol gut," em i tok.

BSP opim 15 han bilong dispela ol benk pinis long ol provins na ol i lukluk nau long opim narapela 10-pela.

Long Trinde las wik, Mista Tambua wantaim ol wokman bilong BSP i go long ples Ginigolo long Rigo insait long Sentrol provins we ol i skulim ol manmeri long dispela nupela sevis na tu helpim ol long opim ol nupela akaun bilong ol.

"Dispela i gutpela sevis bilong wanem planti taim mipela i save go long maket na i nogat taim long go sanap long benk.

"Mipela i save pret tu long go sanap long lain long benk," ples man, Ragai Hulana i tok.

Mista Hulana na meri bilong em, Raga i opim wanwan akaun bilong tupela na ol i amamas olsem ol i ken sevim mani bilong ol gut insait long wanpela benk tru.

Mista Tambua i tok ol ples manmeri husat i gat dispela akaun aninit long BSP Rural, bai nogat ol arapela sas long akaun bilong ol olsem ol arapela manmeri long taun.

Ol i ken opim akaun wantaim K10 tasol na sios pasta tasol i ken sainim pepa bilong ol.

"Mipela bai no inap rausim ol fi bilong wanwan mun na tu ol arapela fi, mipela bai rausim tasol K1 trenseksen fi," em i tok.



NUPELA SEVIS: Mista Hulana (lep han), misis Hulana na Vari Dula i soim ol nupela Kundu kad ol i kisim las wik taim o i opim nupela akaun bilong ol long Ginigolo. POTO: Andrew Molen.

DISKONEKSEN TOKSAVE

PNG POWER i laik toksave long olgeta kastoma bilong en long kantri olsem wanpela diskoneksen wok o katim long pawa saplai i go long olgeta kastoma i gat ol ovadiu pawa akaun, i go het pinis.

Ol kastoma i gat ol autstending pawa bil, i mas peim kwik long abrusim diskoneksen long pawa saplai bilong ol.

Ol kastoma i painim hat long baim ol autstending dinau i mas go na lukim PNG POWER opis i stap klostu long ol.

DISPELA TOKSAVE I KAM LONG PPL MENESMEN

FM100

MAP COVERAGE

STATION	COVERAGE	REACH
100	100%	100%
101	100%	100%
102	100%	100%
103	100%	100%
104	100%	100%
105	100%	100%
106	100%	100%
107	100%	100%
108	100%	100%
109	100%	100%
110	100%	100%
111	100%	100%
112	100%	100%
113	100%	100%
114	100%	100%
115	100%	100%
116	100%	100%
117	100%	100%
118	100%	100%
119	100%	100%
120	100%	100%
121	100%	100%
122	100%	100%
123	100%	100%
124	100%	100%
125	100%	100%
126	100%	100%
127	100%	100%
128	100%	100%
129	100%	100%
130	100%	100%
131	100%	100%
132	100%	100%
133	100%	100%
134	100%	100%
135	100%	100%
136	100%	100%
137	100%	100%
138	100%	100%
139	100%	100%
140	100%	100%
141	100%	100%
142	100%	100%
143	100%	100%
144	100%	100%
145	100%	100%
146	100%	100%
147	100%	100%
148	100%	100%
149	100%	100%
150	100%	100%

Be part of our Customers, Reaching 3.5 million Listeners daily

Pawa, wara bai nonap pas

Aja Alex Potabe i raitim

WARA NA PAWA em i tu-pela samting bilong mekim laip long Mosbi siti i go isi na ol Koiari papagraun bilong Rouna bai nonap pasin wara na pawa tu bai nonap blekaut.

Dispela em i toktok i kam long Sif Sekretari bilong Gavman, Manasupe Zurenuoc, husat i makim maus bilong gavman na stretim pinis dispela asua bilong ol Rouna papagraun i komplem long kompens-esen mani bilong graun na wara bilong ol.

Zurenuoc i tok gavman i toktok pinis wantaim ol Koiari papagraun bilong Rouna na givim wanpela developmen pekis (development package).

"Gavman bai givim dispela pekis long ol papagraun bilong Rouna. Mipela bai bung neks wik Fonde (tete) na stretim ol arapela toktok long olsem anem ol papagraun bai kisim dispela pekis.

"Tasol ol bai nonap pasim wara na stopim pawa. Wara na pawa em i namba wan samting bilong laip. Mi laik tokim ol bisnis haus long Mosbi long noken pret bikos wara na pawa bai nonap pas," Zurenuoc i tok.

Tasol em i no tokaut long hamas mani mak dispela developmen pekis i karamapim bikos laspela miting namel long ol papagraun na gavman i no pinis



Sif Sekretari -
Manasupe Zurenuoc

yet, na tu ol papagraun bai kamapim wanpela kampani, husat bai makim maus bilong ol na kisim dispela pekis.

Zurenuoc i tok klia tu olsem dispela hap graun we haidro pawa stesen na wara saplai samting i stap long Rouna em i no graun bilong ol papagraun, 'tasol em i graun bilong gavman.'

Em i tok ol papagraun long Rouna tu i mas save olsem i no ol tasol i gat wara bilong kamapim pawa stesen insait long kantri, na gavman bai tingting gut long stretim dispela asua wantaim ol.

"I gat ol sampela hap long kantri olsem Warango, Kaupena, na Yonki tu ol i gat dispela kain wara we haidro i stap long en. olsem na ol Koiari papagraun tu i mas luk-save gut long kainkain pasin ol i save mikim long mekim ol pipel na bisnis haus long Mosbi siti i kisim taim bikos ol i no wanpela papagraun tasol long gat dispela haidro," Zurenuoc i tok.

Share in PNG's Biggest EVER Cash Prize Giveaway of K1,600,000!

1 Grand Prize winner of
K1,000,000
drawn in December, 2012

201 Monthly Prize winners will share in K100 000
each month from July - December

1 x	K50,000	20 x	K400
2 x	K1,500	30 x	K250
3 x	K1000	45 x	K200
10 x	K600	90 x	K150

Simply complete eligible transactions with your BSP Card at any BSP ATM, BSP EFTPoS Device or via BSP Mobile Banking and you will go into the draw.

All eligible entries received from 1st June until 30th November will be accumulative and included in monthly and grand prize draw.

One Million Reasons to bank with BSP!



www.bsp.com.pg

Refer to our website for full Terms & Conditions.

Find Us On:



Nupela Maggi Magic Teist

Wanpela kain kuing pauda

Bai givim **BEST** teist long kainkain kuk



2012 Ileksen Vot



Ol kendidet i resis

i kam long pes 1

Planti ol indipenden kendidet tu i wok long ron pas long ol arapela kendidet, na bihain long ol dispela, Pipols Progres Pati (PPP) bilong Sir Julius Chan na T.H.E. Pati bilong Don Polye i ron baksait.

I luk olsem paik bilong fomim nupela gavman bai kamap namel

long ol dispela pati bikos nau yet ol dispela foapela (4) man i wok long tokaut ples klia long pablik olsem ol i laik kamap nupela praim minista bilong dispela eit (8th) Nesenel Palamen.

Bihain long tupela PNC kendidet, Peter O'Neill bilong lal-

ibu-Pangia na Charles Benjamin bilong Manus Rijenal i winim dispela tupela sia, ol arapela kendidet i ron pas long arapela ol open na rijenal sia long kantri.

Ol PNC kendidet husat i ron pas em ol: William Powi 33,491 (SHP Rijenal), Francis Awesa 10, 962

(Imbonggu), James Marape 13, 835 (Tari-Pori), Ano Pala 2, 865 (Rigo), Norbert Kubak 3, 984 (Gazelle), Paul Isikiel 5, 585 (Makham), Jimmy Miringtoro 1, 950 (Central Bougainville), Charles Abel 3, 106 (Alotau), na Eremam Tobaining Jnr 2, 017 (Kokopo).

Ol NA kendidet em ol: Peter Waranaka Wararu 3, 416 (Yongorru-Saussia), Arthur Somare 1, 366 (Angoram), John Simon 8, 894 (Maprik), Jim Simatab 2, 399 (Wewak), Sani Rambai 1259 (Mul-Baiyer), Leonard Louma 3, 958 (Kiriwina-Goodenough), na Patrick Pruaitch 9, 195 (Aitape-Lumi).

THE Pati: Don Polye 17, 186 (Kandep), Dellilah Pueka Gore,

2068 (Sohe), na Philip Undialu 13, 253 (Koroba-Kopiago).

PPP: Sir Julius Chan 1, 793 (New Ireland), Isi Henry Leornard 4, 718 (Samarai-Murua), Byron Chan 8, 652 (Namatanai), Ben Micah 5, 281 (Keviang), na Ezekiel Sigii Anisi 3, 387 (Ambunti-Dreikier).

Ol Indipenden husat i stap pas long ol wan-wan sia ol i ron long en em ol: Henao Iduhu 2, 880 (Kairuku-Hiri), James Lagea 12, 787 (Kagua-Erave), Nixon Koeka Mangape 12, 723 (Porgera-Lagaip), Kelly Naru 4, 991 (Morobe Rijenal), Rainbo Paito 2, 198 (Finschaffien), na Kila Haoda 1, 811 (Central Rijenal).

Ol dispela politikel pati na ol indipenden kendidet i wok long ron



Department of Environment and Conservation and United Nations Development Programme request for Expressions of Interests to provide Consultancy Services to conduct the Terminal Evaluation of its project on "Capacity Building for Sustainable Land Management"

Background

The Capacity Building for Sustainable Land Management (SLM) Project in Papua New Guinea (PNG) is a Medium Sized Project (MSP) funded by Global Environment Facility (GEF) through the United Nations Development Programme (UNDP). The project is implemented directly by Department of Environment and Conservation, commenced in mid 2008. The project completion was originally planned for December 2010 but extended to December 2012.

The project's goal is to build capacity to implement SLM into each level of decision-making in government at national, provincial and local level to promote and institute effective SLM practices for economic, social and environmental benefits, including conserving and restoring ecosystem integrity, functions and services. The aim is to provide a systems approach to maintain and improve ecosystem stability, integrity, functions and services – bearing in mind the need for sustainable livelihoods in rural communities. The expected outcomes are (1) systemic capacity building and mainstreaming of SLM into policies, plans and regulatory frameworks; (2) an increased knowledge and awareness of the state of land degradation and the importance of sustainable land management for land based resource development activities; (3) enhanced technical, individual and institutional capacities for SLM; and (4) Design PNG's National Action Plan.

DEC and UNDP invites Expression of Interests from suitably qualified and experienced experts (nationals or internationals) to conduct the Terminal Evaluation of PNG's Capacity Building for Sustainable Land Management Project.

Scope of Consultancy Services

The terminal evaluation will provide a comprehensive and systematic account of the performance of the completed project by assessing its project design, process of implementation, achievements vis-à-vis project objectives endorsed by the GEF including any agreed changes in the objectives during project implementation and any other results.

The overall objective of this terminal evaluation is to review progress towards the project's objectives and outcomes, assess the efficiency and cost-effectiveness of how the project has moved towards its objectives and outcomes, identify strengths and weaknesses in project design and implementation, and provide recommendations on design modifications that could have increased the likelihood of success, and on specific actions that might be taken into consideration in designing future projects of a related nature.

A detailed Terms of References which outlines the full scope of this consultancy can be obtained by contacting: **UNDP HR Associate on 321 2877, email: yvonne.baloiloi@undp.org or by visiting Level 14, Deloitte Tower, Douglas Street, Port Moresby.**

Essential Requirements

- Minimum of a master's degree or equivalent in natural resource management, environment, development or related field demonstrably relevant to the position
- Substantive experience in reviewing and evaluating similar technical assistance projects, preferably those involving UNDP/GEF or other United Nations agencies, development agencies and major donors;
- Consultant with academic and/or professional background in natural resource management or related fields with experience in land management, with in-depth understanding of land issues as well as community-based natural resource management. A minimum of 10 years of working experience is required;
- Experience in leading multi-disciplinary and multi-national teams to deliver quality products in high stress and short deadline situations;
- Familiar with SLM approaches in developing countries including Asia Pacific will be an advantage either through management and/or implementation or through consultancies in evaluation of land related projects. Understanding of local actions contributing to global benefits is crucial;
- Highly knowledgeable of participatory monitoring and evaluation processes; and
- Excellent English writing and communication skills.

Terms and Conditions

The consultancy is for a maximum of 25 working days. The Consultant will receive payment based on deliverables in accordance with UNDP policies, rules and procedures as per the payment schedule and negotiated based qualification and experience. The fee payment does not include travel and logistical costs.

Application Process

All interested individuals should ensure the Expression of Interest Proposal contains:

1. Personal updated CV including Personal History Form (please contact UNDP Office on telephone 675-321 2877 or e-mail registry.pg@undp.org for P11 form) including past experiences in similar consultancy and at least 3 references with a cover letter.
2. Technical Proposal:
 - i. Explaining how the applicant meets the selection criteria/most suitable for the work;
 - ii. Provide methodology on how applicant will approach and conduct the work if successful;
3. Financial Proposal - The consultant is requested to provide a proposal or quotation of costs including fees for the services rendered + miscellaneous expenses.

Only those who meet above criteria should apply. EOI should be submitted no later than **20th July 2012** to: Terminal Evaluation-SLM Project
Attention: Steven Paissat
United Nations Development Programme
P.O.Box 1041, Port Moresby
National Capital District

Only those short listed will be notified.

Polis na ami painim Mani Na gan long Jiwaka



POLIS na ami i painim mani na gan long nupela Jiwaka Provins.

Ol i kisim tokwin i kam long ol intelisens o save man bilong mekim wok painimaut na kisim ol mani na gan, we dispela kain saming em i loa i tok tambu long yusim long ileksen taim.

Ol i holim wanpela man husat i bin stap wantaim wanpela siting memba. Ol i no tokaut long nem bilong dispela memba.

Long namba wan sekim ol i mekim, ol i kisim tokwin i kam long ol intelisens na go sekim haus bilong dispela man.

Ol i go kamap long hap na lukim dispela man i wok long tromo ol gan i go ausait long haus bilong en taim ol polisman na ami banisim haus bilong en long sekim.

Bihain long en, ol i holim dispela man na kisim tupela atomatik pistol o sot gan na sampela katres.

Polis i sasim dispela man na ol i lokim em long Hagen polis stesen.

Nau yet ol i mekim ol wok painimaut long painimaut papa bilong dispela gan, husat ol i ting em i wanpela siting memba insait long Jiwaka Provins yet.

Long namba tu operesen, polis i holim Memba bilong Not Waghi Benjamin Mul, wantaim sampela sapota bilong en, husat i bin givimaut mani long ol manmeri long Avi insait long Angilimp-Saut Waghi ilektoret.

Polis i holim Mul na ol sapota bilong en wantaim moa long K4, 500 kes mani insait long wanpela hanbek.

Ol polis CID husat i mekim moa wok painimaut i go insait long dispela asua i tok ol i sekim olsem wanem 6-pela polisman, husat i bin raun wantaim Mul i bin mekim wok bilong ol.

Ol i kisim gan bilong ol pinis na nau ol i stap nating.

Tasol Hailans Divisenal Komanda Asistan Komisina, Teddy Tei i tok ol dispela polisman i wokman bilong divisenal hetkwata tim, husat i bin go skelim na lukluk raun long poling long Jiwaka Provins.

Ol CID polisman husat i mekim ol wok painimaut i tok tu olsem ol i panimaut ol piksa nogut o ponografi insait long mobail telepon bilong Mul.

Polisman i no pinisim ol wok painimaut.



2012 Ileksen Kaunim



**ELECTORAL
COMMISSION**
Papua New Guinea

O'Neill bilip strong long PNC fomim nupela gavman



KETEK A Praim Minista, Peter O'Neill

KETEK A Praim Minista na Pati lida bilong Pipols Nesenel Kongres (PNC) Pati, Peter O'Neill, i amamas long em yet i winim bek lalibu-Pangia sia wantaim 44, 970 vot na em i gat strongpela bilip long kamap praim minista gen long dispela 8 palamen.

Ritening Opisa (RO) bilong lalibu-Pangia Open Ilektoet, Michael Araindo, i tok O'Neill i mekim nem long PNG bikos em i bin abrusim 50 pesen plas wan mak bilong win long vot namba wan na em i bin win long 75 pesen.

O'Neill i bin win long 44, 970 vot na bihain long em Raphael Noipo i kam long namba tu ples wantaim 5, 676 vot, Eke Lama (5, 417 vot), na Philip Rambu (2, 049 vot).

O'Neill i gat bikipela bilip olsem pati bilong en bai kamapim nupela gavman bikos moa long ol kendidet em i bin endosim long en i long pas long arapela kendidet o stap long namba tu o tri ples.

"Sapos yu lukim ol na bihainim olsem wane mol dispela kauning i wok long kamap long ol ilektoet we poling i pinis long en, bai yu lukim planti ol PNC kendidet i ron pas long long ol arapela kendidet, na stap long namba o namba tri ples.

"Insait long 10-pela mun taim kantri i klostu bagarap, PNC gavman i bin larim kantri i ron gut wantaim politikel sta-

biliti. PNC i stat mekim ol namba wan samting long larim ikonomi i groa, na stretim ol rot, bris, sip bris na ples balus, kamapim fri edukesen polisi, fri helt polisi na soim ples bilong kirapim ol arapela samting long kantri.

"Ol pipel i laikim ol dispela polisi na progrem long go het, na ol i wok long sapotim ol PNC kendidet," O'Neill i tok.

"Long Manus i go inap Milen Be, Long Is Sepik i go inap Isten Hailans na Is Nu Briten Provins, bai mipela i mekim gut.

"Mi gat bikipela bilip olsem pati bilong yumi PNC bai mekim samting stret na kamapim nupela gavman," O'Neill i tok.

O'Neill i winim bek lalibu-Pangia sia bilong en las wik Sarere taim em i bin abrusim vot long olgeta 7-pela kendidet hsuat i ron long lalibu-Pangia Open sia, na mekim nem taim 75 pesen bilong olgeta manmeri i stap isniat long dispela ilektoet i bin pasin namba wan vot long em tasol.

Bipo long ileksen, ol pipel i bin tokim ol dispela 7-pela kendidet long noken sanap tasol ol yet i bin sikarap.

Taim O'Neill i win na kam kamp long Mosbi las wik Sarere, Pasto Charles Lapa i beten na putim O'Neill long han bilong bikman long Gavman Flaing Yunit (GFU).

O'Neill i tok tenkyu long ol pipel bilong lalibu-Pangia long bikipela sapot bilong ol long ileksen taim.

"Ol pipel bilong lalibu-Pangia i bin i go insait long poling wantaim belisi. Ol i soim ol arapela manmeri long Hailans gutpela pasin long makim lida long ileksen taim.

"Mi mas tok tenkyu tu long ol ileksen opisal na sekuriti fos long mekim gutpela wok stret," O'Neill i tok.

O'Neill bai nau putim was long olsem wanem ol kaunting i wok long kamap, na em bai stretim ol samting long kamapim nupela gavman.

Kaunim long Westen Hailans stat

Bustin Anzu i raitim

KAUTING bilong Westen Hailans Provins i stat pinis long Kimininga Polis Bareks long Mount Hagen long stat bilong dispel wik.

Bihain long stretim sam-pela pepa bilong kaunting na ol narapela administretiv

samting, ol kaunting opisol na skrutinia i stat wok long kaunim ol pepa bilong 4-pela Open na wanpela rijenal sia.

Long dispela ol kaunim, i nogat sampela hevi kamap long Mande taim kaunim i stat.

Bos bilong polis long Hailans na Asisten Komisina bilong Polis (ACP) Teddy Tei

i tok ol kaunim i stat gut na i nogat sampela hevi namel long dispela.


"Kaunting i ron gut long Mande na aste taim mipela i stat. Nogat samting i holim passim ol na ol i stat gut tru.

Ol lain bilong Ilektoet Komisen, kaunting opisols na skrutinias i stat kaunim ol pepa na em i orait tasol," em

i tok.

Em i tok long ol narapela Hailans provins, kaunting i go het yet olsem las wik.

Long Hela na Sauten Hailans, kaunting i go het yet. Bilong lalibu Pangia tasol em ol i tok aut pinis we Ekting Praim Minista na Sitting Memba Peter O'Neill i winim bek sia bilong em.



Yumi Stori long PNG LNG
with Peter Graham,
Managing Director,
Esso Highlands Limited

Welkam long dispela nupela kolum, we long olgeta mun bai mi toksave long wanem samting i kamap long PNG LNG Projek.

Dispela PNG LNG Projek em i wanpela bikipela projek tru long kamap long Papua Niugini. Em i gat bikipela lek mak bilong en – klostu long Pot Mosbi, i go long Kopi long Galp Provins, i go long Hides long Sauten Hailans na long Hailans Haiwe i go long Lae, Morobe Provins – em i tasim planti pipel tru. Projek bai kamapim gutpela ikonomik impek long olgeta hap long PNG. Bikos long dispela, ai bilong olgeta lain i stap long mipela nau. Dispela kolum i givim mi sans long tokim yupela long wanem samting Projek i kamapim olsem ol bikipela konstraksen wok na ol developmen wok mipela i mekim insait long ol komyuniti we mipela i wok long en.

Pastaim long dispela, mi mas toksave long mi yet. Mi Peter Graham, Manesing Dairekta bilong Esso Highlands Limited, kampani i operetim PNG LNG Projek wantaim ol ko-vensera olsem Oil Search Limited, National Petroleum Company PNG, Santos Limited, JX Nippon Oil and Gas Exploration, ol lendona (insait long MRDC) na Petromin PNG Holdings Limited. Esso Highlands Limited em i wanpela han bilong Exxon Mobil Corporation.

Mi stat wok long salim ges bilong PNG long yia 2004 long taim astingting bilong Projek em long salim neturel ges bilong PNG i go long Australia long paipain. Bihain long planti stadi na wok painimaut, mipela i luksave olsem dispela i no gutpela rot. Orait, mipela i tanim na lukluk long salim likwifait neturel ges (LNG) i go long ol kastoma long Asia. Ol fisibiliti stadi i kamap hariap bikos planti ensinering wok i bin kamap pinis em ol i ken yusim long dispela nupela projek. Nau yumi gat PNG LNG Projek- dispela projek i karamapim 700 kilomita paipain, wanpela ges kondisening plant long Hides, wanpela LNG prosesing na storej fesiliti wantaim tupela tenk we wanpela tenk inap long holim wanpela Air Niugini Boeing 767 balus, na wanpela 2.4 kilomita jeli we ol sip bai karim ges i go long ol kastoma bilong yumi.

Mi stap long Papua Niugini inap foapela yia na mi wok long PNG ges komeselaisesen inap 10-pela yia olgeta, tasol bikipela laik bilong mi long dispela Projek em i strong yet. Em i previles long stap na wok long PNG na wok long wanpela projek we inap long kamapim bikipela benefit tru long PNG. I no gat planti projek i kamapim ol kain salens na opotuniti olsem.

Projek tim na ol kontrakta na sab-kontrakta i kamapim planti wok long taim ol i kisim kontrak long Desemba 2009. Ol i pinisim wok bilong putim 407 km sab-si paipain, samting olsem 60 pesen bilong onso paipain em ol i weldim pinis, wok bilong stretim graun long dispela 3.2 km Komo ples balus i gohet na ol i traim putim pevmen, ol faundesen na stilwoks i gohet long Hides Ges Kondisening Plant, na riging-ap bilong drilling rig long Hides Ridge bai klostu i pinis na drilling bilong namba wan wel i kamap long mun Julai. LNG Plant i kamap hariap long graun nau. Ol autsait sel bilong LNG tenk i pinis na ol bikipela vesel bilong namba wan proses tren i sanap long ples bilong ol.

Tasol mipela i no skelim mipela yet long ol wok konstraksen. Wanem samting i mekim mi amamas em long helpim ol pipel na komyuniti we mipela inap long helpim. Invesmen mipela i mekim long komyuniti helt, edukesen, strongim wok bilong ol meri, envairomen na egrikalisa i wok long kamapim gutpela impek long ol komyuniti. Long taim mi harim long wanpela skul prinsipel olsem ol pikinini inap long mekim gut skul wok bilong ol bikos long ol desk mipela i bin givim, o wanpela meri i kukim ol skon na kek na salim long maket bikos long trening em i kisim long laivilihuds program bilong mipela, o dispela pesenel vaibiliti trening em planti handet pipel long ol komyuniti klostu long Projek i kisim, i wok long senisim laip bilong ol pipel, mi save amamas tru olsem mi stap insait long Projek.

Wanpela hap we mi amamas tru long en em developmen bilong ol Projek wokmanmeri bilong mipela. I gat 8,300 Papua Niugini namel long ol 16,000 pipel i wok long Projek. Bung wantaim ol kontrakta, mipela i spendim planti aua long trening na edukesen – moa long wan milien aua!

I gat planti gutpela stori tu. Wanpela eksampel em stori bilong Morea Jimmy Lohia (MJ) na Varo Varo, bilong ples Porebada na Boera husat i wok long LNG Plant sait autsait long Pot Mosbi. Tupela man ya i stat wok long LNG Plant sait wanpela yia i go pinis na i save go long trening long taim sans i kamap. Bikos long dispela, nau ol i muv i go antap long bikipela posisen long sait, dispela i soim pawa bilong tingting na strong bilong kisim moa save. Yu ken ritim moa long stori bilong dispela tupela man long niuspepa bilong dispela wik.

Long kisim moa toksave long Projek yu ken lukim website bilong mipela long pnglng.com na yu ken ritim tu long Envairomen na Sosel Ripot mipela i pablisim long olgeta kwata.

Mi gat laik long harim long yupela, na wanem samting yu laik ritim long dispela kolum. Bai mipela traim long bekim olgeta askim bilong yupela, olsem na plis salim email i kam long mipela long pnglngproject@exxonmobil.com

Gutpela de.



2012 Ilekse Kaunim



Polye gat bilip long fomim nupela gavman

BIPO deputi praim minista na T.H.E. Pati Lida, Don Polye, i gat strongpela bilip olsem pati bilong en, bai kamapim nupela gavman na em yet bai kamap praim minista bihain long dispela ileksen.

Polye, husat i nau go pas long Kandep Open sia resis long Enga Provins wantaim moa long 17, 186 vot i bilip strong long winim bek sia bilong en, na kamapim nupela gavman long mun Ogas bihain long ol i kisim bek ol rit pepa.

Alfred Manaseh, kandidate husat i ron baksait long Polye i stap long 7, 312 vot. Em i tok: "Pipel bilong Papua Niugini i nidim na i mas gat nupela gavman wantaim strongpela, stretpela na trupela lidasip."

Em i tok planti ol kandidate bilong T.H.E. Pati i stap long mak bilong winim wan-wan sia ol i ron long en.

"Dispela kantri i bungim kain kain nogut samting aninit long nogut lidasip bipo. T.H.E. Pati aninit long lukluk na lidasip bilong mi bai larim kantri i gat gutpela gavman we yumi olgeta man-meri i nidim stret nau yet."

Polye i askim tu ol arapela politikel pati, husat i laik kamapim gavman long wokbung wantaim pati bilong en long gutpela bilong ol pipel bilong dispela kantri.

Em i tok tenkyu long ol pipel long bilip strong long T.H.E. Pati na votim em yet na ol kandidate em i sanapim long en.



T.H.E. LIDA...Lida bilong T.H.E. Pati, Don Polye i vot long Kandep, Enga Provins las wik. Polye em i wanpela memba, husat i tingting long kamap praim minista bihain long dispela ileksen. Las wik Fonde, Polye i bin vot long Kandep stesen wantaim meri bilong en, Sharon, na ol pikinini bilong en. *Poto: Peter Paul*

Manus makim tupela nupela memba

Nicky Bernard i raitim

MANUS Provins em namba wan provins long makim tupela nupela memba bilong ol. Dispela tupela nupela memba em Charlie Benjamin na Ronny Knight.

Charlie Benjamin i winim olpela gavana bilong Manus Michael Sapau, bihain long ol i rausim Wep Kanawi long namba tri ples na kisim namba tu vot long em na

tilim namel long tupela long namba 19 kaun. Long dispela, Charlie i kisim 8,155 na go pas long Michael Sapau we em kisim 7,412.

Elektrol menesa Parkop Posahat i tokaut olsem Charlie Benjamin em nupela Provinsol memba bilong Manus long 11:02am long Tunde moning Julai 10, 2012.

Long Manus open, New Generation Party man Ronny Knight i winim dispela sia,

dispela resis i stap namel long em na olpela memba, Job Pomat.

Tupela wantaim i stap antap long resis long taim bilong kauntim inap pinis bilong em, Job Pomat i wok long ron gut long taim bilong kaun na stap namba wan inap ol kam daun long namba tri man bilong rausim na dispela i mekim Ronny Knight i kalap go antap bihain long ol kisim namba tu vot bilong namba tri

man Leslie Roai.

Dispela i mekim Ronny Knight i kisim 7,308 vot long go pas long Job Pomat long 7,051. Elektrol menesa long Manus i makim Ronny Knight olsem nupela open memba bilong Manus long 12:56 long Tunde 10 Julai 2012.

Michael Sapau na Job Pomat em tupela namba wan man long lusim sia bilong tupela long palamen insait long kantri.

Polisman dai long Jiwaka

WANPELA polisman i dai las wik Fraide moning long Bans, Jiwaka Provins.

Inspekta Manna Kimbuni, husat i rikrutmen opisa long Polis Hetkwata, i lusim laip bilong en long Fatima Sekendari Skul taim em i laik wokabaut i go was was.

Inspekta Kimbuni i bin stap komanda bilong NCD polisman, husat i bin go antap long Hailans long mekim ol wok sekyuriti bilong Ilekse 2012.

Ol skwat bilong en i bin stap long Fatima Sekendari Skul long Jiwaka Provins.

Las wik, olgeta NCD polis manmeri i stap long Hailans i



LAS RISPEK...Ol NCD polisman stap long Hailans long ronim Ilekse i soim laspela rispek long Komanda bilong ol leit Inspekta Kimbuni taim balus i karim bodi kam long Mosbi. *Poto: Police Media Unit*

bin bung na mas long Kagamuga ples balus, Hagen, na tok gutbai long dispela wanpela poroman bilong ol.

Plantu yangpela polis man na meri i bin sore na krai nogut tru.

Polis Komisina Tom Ku-

lunga i bin sore nogut tru taim em i harim olsem Inspekta Kimbuni i lusim laip, na hariap tru em i haiarim wanpela balus long go kisim bodi long Hagen na karim i kam long Mosbi, we ol sinia polis opisa long Konedobu Hetkwata i bin kisim bodi bilong en.

Inspekta Kimbuni em i bin wok olsem rikrutmen opisa wantaim Royal PNG Konstabulari (RPNGC na ol i makim em long helpim ol polisman long dispela ileksen taim long Hailans rijen olsem komanda long Jiwaka.

Em i lusim meri bilong en na foapela yangpela pikinini.

NGIP Agmark
NGIP Agmark Limited

SIPING DIVISEN
Wanpela Han bisnis bilong
NGIP Agmark Limited
PO Boks 1921, Kokopo,
Is Niu Briten Provins, Papua Niugini
Telepon: (675) 9824088 – 9824089 – 9821095
Feks: (675)9824055

Ol Kapten, Sif Opisa, na ol Enjinia

I gat ol wok i op nau wantaim Agmark Shipping bilong ol Kapten, ol Sif Opisa, na ol Enjinia i wok longpela taim pinis, long kam na wok wantaim ol Kostal Trading Sip bilong mipela i stap long Rabaul.

Long aplai long dispela ol posisen, yu mas gat liklik arere mak bilong Mate Class 5 o Engineer Class 5 na yu mas gat inap save long wok olsem Kapten bilong Sip, Sif Opisa, o Sif Enjinia husat i gat gutpela save long wok, toktok wantaim ol arapela, na i strong long pasin lida.

Kampani bai givim ol gutpela wok-rot na gutpela ol pe pekes i go long ol namba wan ol kandidate.


Ol apliken o lain i aplai i mas givim ful CV, kopi bilong ol skul na profesinal kwolifikesen wantaim tripela refri na salim long pas i go long:

Divisional Manager Shipping
P.O.Box 1921, Kokopo
East New Britain Province or salim Feks i kam
long: 982 4055 o 982 9056


Email i kam long: employment@agmark.com.pg




Ol i kaunim vot bilong yu olsem




Dispela sikkela lain em ol kendidet. Wapela kendidet i ken win taim em i kisim absolut majoriti, we i min olsem em i kisim moa long hap bilong olgeta fomal vot ol i kaunim. 1000 vot em mipela i kaunim insait long hia, we i min olsem kendidet i mas kisim moa long 500 vot long win.




Pastaim, olgeta namba wan, o ol fes sois bilong ol vota, i save go aut, na ol i save kaunim ol.



Sapos nogat wapela kendidet i inapim wapela absolut majoriti, narapela step em long kendidet husat i kisim liklik namba vot, em long go aut long resis. Em nau, ol namba tu o seken sois i stap long balot pepa bilong dispela kendidet i go aut long resis, em ol i tilim i go long ol arapela kendidet i stap yet insait long kaunim.



Em gen, sapos nogat wapela kendidet i kisim absolut majoriti, bai narapela kendidet husat i kisim liklik namba vot, bai go aut, na ol bai kaunim ol seken sois. Sapos i gat ol vot i stap long namba wan kendidet i go aut, ol bai kaunim ol namba 3 sois.



Dispela wok tilim bilong ol preferens bai go i go inap wapela kendidet i win wantaim wapela absolut majoriti, we em i min olsem moa long hap long olgeta fomal vot ol i kaunim. Steven Blue em i win, wantaim 505 vot, we em i moa long hap long olgeta vot yumi kaunim.



**Yut, Meri
na Famili
wantaim
Lorraine
Siraba**

Wok Ilektorel Komisin i mekim i soim piksa bilong gavman

TAIM bilong vot i klostu pinis na yumi laik go nau long neks hap bilong ileksen. Dispela em long taim bilong kaunim.

Stat yet long taim ol rit (writ) pepa i op, yumi lukim planti hevi na trabel i kamap we i sut long ileksen. Em ol hevi olsem pait, kilim dai man, paulim, wokim braiberi, stilim na yusim krangi pablik mani. Moa komplek i bin kamap long las wik na dispela em nem bilong planti pipel i no stap long Ilektorel Rol. Olsem na ol i no inap vot. Na tu, haijekim ol balot bokis, taim bilong vot em ol i surukim na ol kain hevi olsem we pipel i no amamas.

Na planti ol tok sut na tromoim ol toktok long ol hevi i l go long Ilektorel Komisin. Taim em i isi long tromoim toktok long wanpela lain o ogenaiesen, yumi save lusim tingting olsem Ilektorel Komisin em i han bilong gavman i karimaut ol wok na taim ol wok i no go gut, dispela i soim piksa bilong kain gavman i bin stap taim ol i givim auto l rit (writ) pepa. Mi no stap long sait bilong Ilektorel Komisin, tasol, bikipela samting em long glasim trupela samting. Pastaim, bikipela wok long putim nem bilong moa long 4 milien pipel long databaseis o reko-tim long kompyuta. Insait long 5-pela krismas we laspela ileksen i bin kamap i kam inap nau, sampela samting i sapos long kamap. Em long, planti pipel i dai pinis, planti ol yangpela pipel i bin gat 14 krismas i gat 18 na moa krismas na ol inap long vot, sampela pipel i lusim ples ol i stap long en na muv i go long narapela ples. Ol dispela samting i l givim hetpen long apdetim ol komon rol. Dispela em bikipela wok, tasol nogat inap mani long karimaut ol.


Ogenaiesen bai no inap karimaut gut wok sapos em i kisim liklik sapot long bildim wok na ol wok manmeri bilong em long karimaut gut wok. i no Ilektorel Komisin, tasol planti ol narapela gavman institusen i save operet wantaim liklik helpim. E mol dipatmen olsem Polis, Koreksenel Institusen, ol Difens Fos lain we ol i bungim ol risos bilong ol wantaim na salim ol i go antap long lukautim sekyuriti antap long Hailans Rijen taim ol narapela hap bilong kantri i nogat.

Tasol i gat sampela gutpela sait long dispela ileksen tu. Em bin namba wan taim long ol disebol lain long vot. Na moa meri i bin sanap olsem ol kendidet long resis wantaim ol man. Tasol midia i no mekim karim inap ol stori long pablik i ken lukim na save. Em i bikipela samting long ol meri i go insait long politiks na serim wok long mekim ol bikipela disisen bilong kantri na i moabeta long midia i putim ol stori long ol wok we ol meri i mekim long em. Long dispela rot, dispela i promotim tu ol meri.

I moabeta long midia long lukluk na putim ol stori na wok long ol man na meri kendidet wantaim. Long dispela rot, bai yumi rausim banis i stap na dispela tu bai promotim gutpela, seif na fea ileksen.



SWIT KULAU YA! Liklik mangki bilong Aua Ailan long Manus Provins i go antap long diwai kokonas na i laik daunim kulau. Save istap olsem kulau wara i kam long grinpela skin kokonas i save swit moa winim orenj wan, tasol skelim sapos dispel i tru. **Poto: Sandra Amuru**



PNG SUSTAINABLE DEVELOPMENT PROGRAM LTD



Strongim pren wantaim Ok Tedi Flai Riva Dipelomen Faundesen

Sapos i gat ol mobeta rot bilong bringim dipelomen i kam long dispela kantri, mipela i mas bihainim ol dispela rot long treim long mekim senis, moa yet long ples level. Olsem na mi amamas long tok klia olsem sainim bilong Memorandum ov Andastending (MOU) long Julai 9, 2012, i luksave long wanpela strongim na bungim wokabaut bilong tupela samting, em Ok Tedi Flai Riva Dipelomen Faundesen (OTFRDP) na PNGSDP – we tupela i gat aswok bilong strongim laip na sindaun bilong ol pipel long Westen provins na moa yet ol i sindaun insait long ples main i stap long en.

OTFRDP em i stap long lukaut bilong Bod bilong Ok Tedi Dipelomen Fan (OTDF) we PNGSDP i bosim 25% ol nominal sea. Wok bilong OTFRDP em bilong poromanim gavman, komyniti na praiwet sekta wok dipelomen insait long Westen Provins, we em i menesim mani i go long ol eria main i senisim aninit long Komyniti Main Kontinuesen Agrimen (CMCA).

Bihainim 2011 CMCA Sensus, 101,413 pipel bilong 156 ples inapim 8-pela Tras Rijen na Sikspela Main Viles i kam aninit long CMCA. Olgeta yia, wanpela hap bilong kompensesen pekes bilong wanwan Tras, i save go long ol dipelomen projek insait long Tras eria.

PNGSDP i skelim tu K21.5 milian olgeta yia bihain long 2007 (i go inap 2013) long sapotim ol projek insait long ol Tras rijen. OTFRDP bai menesim ol dispela mani bilong strongim stiaim bilong ol projek bilong gutpela bilong pipel bilong Westen provins.

MOU i luksave tu long OTFRDP olsem wanpela bikipela Westen Provins patna bilong karimaut ol projek insait long CMCA korido. Olsem wanpela ogenaiesen i givim mani, PNGSDP bai mas i gat ol gutpela patna husat inap long karimaut ol dipelomen projek. Westen Provins i no gat wanpela bikipela hap lain patna i stap long asples yet, bilong karimaut ol projek. Mipela i amamas long petnasip i stap long sampela ol sios na non-gavman ejensi, na tu, Flai Riva Provinsal Gavman, we i wok long givim sapot long kamapim ol projek, na sampela ol halivim mani wok.

PNGSDP em i wanpela 63.4% seaholda bilong Ok Tedi Main, na wantaim dispela nem luksave, i gat tu wok bilong lukim winmani PNGSDP i save kisim long main, i go long dipelomim Westen Provins, em i ples tru bilong main.

Mipela i no save rausim wok bilong Gavman long givim sevis long pipel long provins, tasol moa yet, mipela i treim long halivim long wanem rot mipela i nap, bihainim ol loa i stiaim Kampani, long ol bikipela dipelomen projek insait long Westen Provins, na ol arapela provins na hap long PNG.

I gat ol projek i stap nau long eria bilong helt, wara, edukesen, hendikraf na akwakalsa we PNGSDP i givim halivim mani long en, wantaim OTFRDP, na ol arapela sios na non-gavman projek patna. Mi amamas long mipela i ken sapotim dispela bikipela pasin pren bilong longpela taim dipelomen bilong Westen Provins.

I kam long tebol bilong CEO (Article #25 of 2012)



CEO: David Sode

Passam i kisim K5 milian

OL PAPAGRAUN bilong Passam Nesenel Hai skul na komyuniti long Is Sepik i kisim askim long sapotim na lukautim gut skul na ol skul biling insait long lukim olsem bai nogat hevi moa i kamap long bagarapim lainim bilong ol sumatin.

Edukesen Sekreteri, Dokta Musawe Sinebare, i tok olsem taim em i givim K5 milian kompensesen sekmani i go long ol papagraun bilong graun we Passam Nesenel Hai skul i sanap long en.

Long las yia, Edukesen Minista bilong

pastaim Somare gavman i bin dairektim K10 milian long 2011 baset o mani plen long Passam Nesenel Hai skul bilong katim long ol dispela eria, K5 milian bilong Passam Nesenel Hai skul long stretim ol skul biling, K3.6 milian long Warak Komyuniti Tras long kompensesen long graun bilong ol, na K1.4 milian i go long Paliama komyuniti olsem kompensesen long bagarap long busgraun bilong ol.

K10 milian em i hap long K40 milian bilong Nesenel Skul bilong Ekselens baset bilong las yia long stretim na kamapim gut ol skul

bilding long 4-pela nesenel hai skul long kantri i karamapim Passam, Keravat, Aiyura na Sogeri.

Taim Dokta Sinebare i prisenim sekmani i go long ol papagraun, em bin tok sori long ol long ol i no kisim mani hariap, tasol em bin askim ol long sapotim skul long wanem, em i skul bilong stet we i save kisim ol sumatin bilong iolgeta hap bilong kantri, na i no Sepik tasol.

"Mi singaut long komyuniti long lukautim gut ol skul biling na ol samting i stap insait long skul eria. Na noken stopim skul moa ol klas,"



PASSAM PAPAGRAUN KISIM KOMPENSESEN: Edukesen Sekreteri, Dokta Musawe Sinebare (long namel) wantaim ol lain i makim ol papagraun, prinsipel bilong Passam, na Deputy Sekreteri bilong Tising na Lainim, Damien Rapese long taim bilong givim sek seremoni. *Poto: Edukesen Midia Yunit*

Dokta Sinebare, i tok.

Long makim ol papagraun, Deputy Siaman bilong Warak Inkoporetet Len Grup, John Sombuki, taim em i tok tenkyu

dipatmen i bin tok komyuniti bai lukautim gut Passam Nesenel Hai skul na ol propeti bilong skul.

Prinsipel bilong skul, Theresa

Dingu i bin tok tenkyu long dipatmen long K5 milian na tok skul bai yusim dispela mani long stretim na mekim gut bek skul.

Tupela Paradais Hai sumatin winim intanesenel IT resis



BIKPELA WIN: Prinsipel bilong Paradais Hai skul, Delissmail (Hankais) tupela win sumatin em Alcindo Uware na Rohaizal Lubrido wantaim supavaisa bilong ol, Serdar Durdiyev.

TUPELA sumatin bilong Parasais Hai Skul insait long Nesenel Kapitel Distrik i kamapim histori long kamap olsem namba wan sumatin long PNG long win insait long wanpela intanesenel kompyuta projek.

Tupela Gret 10 sumatin em Alcindo Uware na Rohaizal Lubrido i bin kam bek wantaim ol win prais medal bilong long INFO MATRIX 2012 Intenesenel Kompyuta Projek Olimpiad resis ol bin holim long Bucharest em kapitel siti bilong kantri Romania long Yurop.

Moa long 100 projek long 6-pela kategori we 35 kantri i bin go insait long fainol long em em tupela sumatin i bin kamap wina

long kisim ol brons medal long en.

Prinsipal bilong Paradais Hai Skul, Safak Delissmail, i bin tok tenkyu i go long tupela sumatin na supavaisa bilong ol, Serdar Durdiyev long putim PNG long ples klai long intanesenel level.

Em i tok tupela sumatin i bin go insait long Kompyuta Ats kategori o level.

Tupela i bin redim anime-sen we ol bin yusim 3D na video editing progrem olsem Sinema 4D.

Tupela i bin kisim moa long 5-pela mun long pinisim projek na sakrifais na hatwok bilong ol i karim gutpela kaikai stret.

Mista Delissmail i tok PNG i no develop gut yet long IT eria, tasol em i

amamas olsem tupela sumatin i bin wokim gut stret na winim ol bikpela develop kantri long wol long kompetisen ya.

Em i tok ol bikpela develop kantri i bin kirap nogut long tupela manki i kam long liklik kantri we IT i no develop gut yet, tasol save bilong ol i moa moa yet na ol i wokim gut na win.

Tupela sumatin i bin amamas long stap insait long dispela IT resis na makim kantri, na ol i tok ol bin lainim sampela nupela samting long wanpela wik stap bilong ol long Romania.

Ol i tok bihain long progrem i pinis, ol bin raun lukim sampela ol ples long kantri we ol turis i save raun i go lukim.

Tem 3 i stat pinis long Mande

SINGAUT i go long olgeta Provinsel Edukesen Edvaisa long kantri, ol o ol Siaman bilong Provinsel Edukesen Bot long lukim olsem skul i stat bek bihain long tupela wik malolo long dispela wik Mande.

Edukesen Sekreteri, Dokta Musawe Sinebare, i wokim dispela singaut long dispela wik we i stat bilong Tem 3 skul yia bilong ol skul i stap aninit long Nesenel Edukesen sistem.

Em i tok ol skul long tupela provins, Isten Hailans na Simbu, i ken skruim skul malolo bilong ol bikos pipel long dispela tupela provins i no vot yet.

Dokta Sinebare i tok Ilektral Komisim i skruim taim bilong skul malolo i go long wanpela wik moa long dispela tupela provins bikos Komisim i skruim taim bilong vot long

tupela provins i go long wanpela wik moa.

"Olsem na mi askim ol Provinsel edukesen Edvaisa long lukim olsem ol narapela provins i mas statim skul long dispela wik Mande, Julia 9. Yupela i mas monitaim situesen long graun na skelim samting na wokim disisen long gutpela na sefti bilong ol sumatin, ol tisa na ol samting bilong skul. Sapos samting g i kamap, yupela i mas toksave hariap long Dipatmen na ol Fes Asisten Sekreteri i lukautim ol 4-pela rijen," Dokta Sinebare i tok.

Sekreteri Sinebare i tok tu olsem ol papamama i gat rait long holim bek ol pikinini i long haus sapos ol i lukim olsem bai gat trabel long lukautim sefti bilong ol pikinini.

Tasol Dokta Sinebare i tok em i bikpela samting tu long lukim olsem ol pikinini i go long skul na ol i no lusim skul nating i gat 10-

Bogenvil lainim we bilong abrusim TB

OL PIPEL bilong Bogenvil bai klia moa nau long sik TB na mekim samting long daunim sik ya long famili na provinsel level.

Dispela i bihainim wanpela wik awenes we tim bilong patna namel long Wol Visen TB DOTS E d v o k e s e i, Komyunikesens na Sosel Mobilaisesen na Nesenel Helt Dipatmen TB Progrem bin karimaut long Buka long wik i go pinis.

As tingting long kamapim dispela wok awenes em long ol manmeri long

Bogenvil i ken save moa long dispela sik, sainmak bilong em na tritmen ol ken kisim taim dokta i tok ol i gat dispela sik.

Tim i bin raun na kari-maut dispela edukesen awenes wok i go long ol komyuniti na skul long Novah, Hahela na Hamatana Paimereri skul. Ol sumatin i bin gat intres long save moa long sik TB na ol bin tokaut long ol samting ol i lainim long tim.

Nesenel TB Progrem, DOTSY husat i makim ol lain i gat TB na tritmen

sapota i bin helpim skruim awenes i go moa. Bikos em i namba wan taim bilong DOTSY long Bogenvil, em bin pulim bikpela lain manmeri na pikinini i go long Belisi Pak we awenes i bin kamap.

Margaret Otto em wanpela tisa long Manob Elementeri skul long Selau Distrik long Buka i tok amamas long TB awenes tim i kisim dispela progrem i go long Bogenvil na pipel i ken gat save long sik ya na mekim samting long abrusim.

Ol Katolik selebretim 100 yia bonde bilong Bleset Peter ToRot

KATOLIK Sios long PNG long las Sande i bin selebretim 100 yia anivesari bonde bilong nambawan santuman bilong dispela kantri, em Bleset Peter ToRot.

Bleset Peter ToRot i bin dai long han han bilong ol soldia bilong Japan long Wol Woa 2 taim ol bin kilim em i dai bikos long bilip em.

Pestode stret i pondaun long Sarere Julai 7, tasol selebresen i bin kamap long Sande we ol Katolik peris insait long ol daiosis long kantri i bin holim Misa Lotu na bihain, amamasim de wantaim ol singsing tumbuna na danis na serim kaikai.

Long asples bilong Bleset Peter ToRot yet long ples Rakunai, planti handret pipel i bin bung na stap insait long lotu misa long Rakunai Katolik Katitrel long las Sarere yet Julai 7, bonde bilong santu man ya.

Tripela bikpela lain husat i bin stap insait long lotu misa na selebresen long Rakunai em ol biklain bilong Rom, Hong Kong na Mosbi i bin makim hetman bilong Katolik Sios long wol, Pop Benedict 16, long dispela selebresen.

Bisop Emeritus bilong

Hong Kong, em Kadinel Joseph Zen Asbisop Santo Gangemi husat i makim Pop long PNG na Solomon Ailan na i beis long Mosbi.

Rabaul Asdaiosis bai skruim selebresen long wanpela wik wantaim ol pre ekiviti na ol narapela samting olsem long strongim spiritual sait, bilip na famili laip.

Liklik histri bilong Bleset Peter ToRot em mama Maria Is Tumul i karim em long ples Rakunai long yia 1912. Papa bilong em, Angelo To Puia, i bin sif long ples na em na meri na famili bilong ol em ol strongpela Katolik.

Em bin go skul Katekis long Sen Paul's Kolis Talilingap na bihain long tripela yia em i pinisim trening skul bilong em long hap, ol bin salim em i go mekim wok Katekis long Rakunai Peris long Novemba 1936. Em bin maritime Paula Is Varpit na ol i gat ol pikinini we nau bisop bilong Bereina, Bisop Rochus Tatamai, i wanpela bubu bilong em. Wanpela susa bilong em i stap laip yet.

Taim Wol Woa 2 i kamap na ol soldia bilong Japan i kisim ol misinari olsem ol kalabus, ToRot i lukautim Rakunai Misin na go pas long lotu

na ol sios wok long hap.

Planti i lukim ToRot olsem sempion bilong bilip na famili laip.

Asbisop Francesco Panfilo bilong Rabaul Asdaiosis i tok dispela yia we Katolik Sios i makim olsem

Yia bilong Bleset Peter ToRot (Julai 2011 inap long Disemba 20120)I bin taim bilong grasia o gutpela taim long Asdaiosis bilong Rabaul we planti gutpela samting i kamap.

“Skul katekismo long olgeta mun i givim olgeta long sans bilong glasim topik bilong famili na famili laip. Ol stetyu na piksa bilong Bleset Peter ToRot i bin go raun long ol wan wan peris i mekim bikpela kontribusen long rinyuwim o strongim bek gen famili laip,” Asbisop Panfilo i tok.

Em i tok narapela bikpela samting i bin kamap long Asdaiosis bilong Rabaul em wokabaut bilong ol Katolik Bisop bilong PNG na Solomon Ailan i go long Rakunai, em asples bilong Bleset Peter ToRot long Is Nu Briten long mun Epril de namba 19 long dispela yia.

“Wokabaut bilong ol i go long hap i bin mekim ol bisop i luksave long bilip na pasin

santu we dispela man bilong ples i bin gat. Na long wankain taim, mekim ol Katolik pipel bilong PNG na Solomon Ailan olsem Kristen marit laip na famili i bikpela samting.

“ Mi gat strongpela bilip na mi pre olsem ol selebresen we ol Katolik Kristen i mekim long luksave long Bleset Peter ToRot i ken bringim pasin santu insait long ol famili na moa yet, ol yangpela pipel i ken painim na luksave long Sakramen bilong Marit,” Asbisop Panfilo, i tok.

Mesej o toktok we hetman bilong Katolik Sios long wol, Pop Benedict 16, i wokim long ol Bisop (bilong PNG na Solomon Ailan) long pinis bilong wokabaut bilong ol i go long Rom long las mun em dispela.

“Taim yupela i selebretim 100 krismas bilong Bleset Peter ToRot husat i bin lusim blut long sevim na lukautim sakramen bilong marit, mi strongim ol marit long bihainim eksampel bilong em long sanap strong long bilip bilong em na helpim ol narapela long lukim famili olsem presen i kam long Papa God na gutpela seif ples we ol pikinini i ken groa long en.



Noken putim nem bilong God nating


SAMPELA lida i gat planti meri na tu stilim mani bilong manmeri, tasol em kolim nem bilong God na tok, em trupela lida (yu dispela lida bai bagarap long pasin yu yet).

Jon 10:10 i tok stilman ino save kam bilong mekim narapela samting. Nogat! Em i kam bilong stilim ol sipsip na bilong kilim ol lida na bagarapim ol. Pasin bilong tok giaman na holim giaman pasin em pasin bilong Satan. Dispela kain pasin istap strong long laip bilong planti lidaman na meri tude.

I gat kankain we bilong mekim giaman pasin na mekim giaman tok, olsem Baibel i tok long 2 Korin 11: 14 -15: yupela i no ken kirap nogut long dispela pasin ol i mekim. Yumi save Satan yet i save senisim pasin bilong em na kamap olsem ensel bilong lait.

Olsem na sapos ol wokman bilong satan tu i senisim pasin bilong ol na i mekim olsem ol wokman bilong stretpela pasin, yumi no ken kirap nogut long dispela. Bihain ol bai i kisim pe inap tru long dispela ol pasin ol i bin mekim.

Revelesen 21: 8 i tok, tasol ol man i save pret na surik bek na ol man i no bilip na man mekim tok giaman, dispela kain manmeri bai lus. Yu dispela lida manmeri mas tingting tude yu trupela lida o yu senisim pasin bilong yu yet stap.



YANGPELA MAN:
Poto bilong Bleset Peter ToRot taim em i yangpela man i pinis long skul katekis na ol narapela i kam long famili albam

KATEKIS:
Poto ol i droim bilong Bleset Peter ToRot i mekim wok katekis.
Stori #1:



Piso askim ol GNLC memba long yunait na wok bung

ASKIM i go long ol memba bilong Gutnius Luteran Sios (GNLC) long noken bruk nabaut, tasolgo bek long sios na mekim wok long helpim gut sios i karimaut wok bilong em.

Het bisop bilong GLC, David Piso, i wokim dispela singaut bihainim ol lain i lusim sios i bin oge naisim wanpela sios sinot o bung, tasol GNLC i no bin givim luksave long dispela bung long wanem, em o sios kaunsel i no bin givim tok orait.

Bisop Piso i tok ol lida husat i

ogenaisim dispela sinot i brukim nesenel kot oda em bin kisim long Disemba 2010 na dispela kot oda i klia we i stopim ol dispela sios lida long makim sios o holim ol kain bung.

Kot oda i bin mekim klia olsem Bisop david Piso em i hetman bilong GNLC yet.

Bisop Piso i tok ol kot oda i stap yet na long gutpela bilong sios na pipel, em i laikim ol grup long sios long brubruk long noken tasol tok sori na go go bek long mama sios bilong ol.

Wari long ol yut long Sepik

TUDE planti samting i wok long senis na i wankain tu long ol famili insait long dispela kantri.

Bihainim wanpela lidasip trening woksop bilong ol peris yut kodineta bilong Aitape na Wewak Daiosis, ol yangpela o yut i bin autim tingting bilong ol long dispela bikos senis i kamap long famili i kamapim tu hevi na wari long ol pikinini, em ol yut.

Edita bilong Katolik Ripota, Pater Giorgio Licini PIME i bin toktok wantaim Nesenel Katolik Yut Kodineta, Pater Shanthi Puthuserry husat i bin go pas long dispela woksop na kisim dispela ripot.

Long ol toktok we ol yut lida i bin mekim, planti yut long Sepik i bungim hevi long dringim hombru na kisim mariwana we planti i stap long Is na Wes Sepik. Na taim ol mangki i wokim Gret 3, ol i save stat long kisim spakbrus.

Long wankain taim tu, Sepik i wok long bungim hevi long famili laip na planti papamama i no save bisi long ol pikinini bihain long Gret 9.

Long ol ripot we Pater Shanthi i kisim, planti ples lain i save wokim hombru long kokonas wara na dispela i save kamapim hevi long ol yangpela.

Na planti yangpela i no laik harim tok bikos ol i tok ol i save. Na planti mariwana i stap long Aitape na Wewak na ol mangki man i save stat long kisim spakbrus tai mol i stap long Gret 3.

Long wankain taim tu, Sepik i wok long bungim hevi insait long famili, olsem tasol ol narapela provins.

“Planti papamama i no bisi long ol edukesen bilong ol pikinini bilong ol bihain long Gret 9. Sampela bilong ol i tok papamama i tokim ol long lusim haus na go stap long narapela hap. Senis i mas kamap long ol yut long Sepik,”Pater Shanthi, i tok.



Planti asua long ileksen tasol yumi mas go het

OLGETA pipel bi-long Papua Niugini i putim was nau long harim husat tru bai kamap memba bi-long ol bihain long olgeta vot i pinis.

Olgeta toktok na komplem long taim bilong vot em go pinis olsem nogat nem long balot pepa, ol man yusim nem bilong ol, ol lain mekim dabol vot o kainkain giaman na hait pasin. Tasol olgeta dispela hevi o komplem i go pinis na nau yumi stap long taim bilong harim husat tru bai winim sia long kamap memba bilong palamen.

Opis bilong Ilektoel Komisin i mekim klia pinis olsem olgeta komplem long sait bilong hait na paol pasin long taim bilong vot em samting bilong kot na husat kendidet i gat komplem o bel hevi i stap gat rait long karim go long kot ol kolim Kot ov Disputet Ritens.

Namba wan man yumi harim em bin winim bek sia bilong em pinis em Paim Minista Peter O'Neill long lalibu Pangia sia long



Sauten Hailans provins. Namba tu man em Charlie Benjamin long Manus Rijinal Sit. Em bin memba bilong Manus Open long 2002 i kam long 2007.

Planti moa memba bai ol kolim aut long dispela wik go inap neks wik na wik antap inap 211 sit olgeta i gat ol memba i win long makim ol pipel long haus palamen.

Tasol bikipela wari bai kisim planti pipel yet long dispela taim bilong 2012 nesenel ileksen bikos ol bin kisim bagarap long han bi-long ol arapela lain sapota bilong ol kendidet. Sampela bin pait na kisim bagarap, ol birua katim ol long nait na ol birua samting na kainkain birua pasin.

Dispela lain husat kisim bagarap long taim bilong ileksen bai wari tru bikos ol bai pilim pen na go kam long

haus sik long kisim marasin na bel pen bai stap wantaim ol bikos em mak bilong ileksen ol kisim.

Bikipela toktok bilong nesenel ileksen em, klin, stret-pela na gutpela ileksen. Tasol dispela toktok i no kamap stret bikos planti lain kisim bagarap pinis na sampela dai pinis.

Tingim, taim olgeta wok bi-long ileksen i pinis na ol memba go long haus palamen na sindaun gut, yumi ol lain bin kilim skin na kisim pen bai stap wankain yet long asples na komyuniti bi-long yumi. Bai yumi go kam long gaden yet long painim liklik mani bilong baim kaikai na ol samting bilong famili bilong yumi. Nogat wanpela bikipela samting bai kamap long sensim laip bilong yumi. Ol lain bin kilim skin tru long ileksen taim bai no inap kisim wanpela bikipela prais long dispela.

Husat lida kamap em lida bilong yumi olgeta, maski yumi arapela no votim em. Tasol aninit long luksave

long palamen na sistem bi-long en, lida i makim ilektoet bilong em we olgeta pipel i stap long en. I no ol lain husat votim em tasol.

Yumi ken tok olsem dispela 2012 nesenel ileksen em no gutpela bikos planti hevi na krangi bin kamap pinis. Tasol bai yumi mekim wanem, ating yumi planti bin asua tu long i no bin go stretim nem bilong yumi long komon rol. Yumi ting nem bilong yumi long 2007 komon rol i stap yet olsem na yumi no kea long go stretim nem gen long 2012 komon rol.

Ating sampela poling opisa tu mekim sait wok long sapotim sampela kendidet tu, Ating ol polis tu mekim sait wok tu long sapotim sampela kendidet tu. Planti komplem olsem bin kamap. Tasol bai yumi mekim wanem. Maski, larim go olsem na ol memba kamap long en, ol mas stretim gut dispela sistem bilong ileksen we yumi ken vot long gutpela na stretpela rot long bihain taim.



KOMENTRI

Bungim ol wanwan hevi

YUMI lukim sampela nupela pes i kam insait pinis, bi-hainim ol deklaresen long ileksen 2012.

Long wankain taim, yumi lukim pati bilong memba bi-long lalibu-Pangia, Peter O'Neill, i wok long hangamap long antap bilong lada long planti ol ilektoet long kantri.

Tasol wankain toktok i kam long ol lain bilong Don Polye, THE Pati.

Tasol taim i gat ol nupela memba i kamap, planti long ol em ol lida i bin kamap gen long palamen na makim O'Neill olsem praim minista.

Wankain olsem taim bilong vot, taim bilong kaunim i gat ol hevi bilong en yet.

Long sampela hap, wok kaunim i ron gut, na i ron stret.

Ol kaunim wokmanmeri i no abrus, ol PRO i no slek, na PNG Ilektoel Komisin i wok long stretim wanwan hevi i wok long kamap.

I gat planti kaunim i longwe long pinis yet, na i gat wanwan ol provins i wok long tromoi vot bilong ol yet.

Tasol toktok bilong 'fomim nupela gavman', em i kamap strong pinis, na nau wanpela ai bilong ol manmeri i pas long kaunim, na narapela i pas long husat ol pati wok long go pas long resis.

Long kantri yet, meknais nau i wok long hangamap namel long bikipela laik long ol manmeri long lukim nupela ol lida i kamaut, na nupela strong na wokabaut bilong kantri, na pret long ol paul pasin i wok long kamap.

Olgeta dispela tingting i wok long strongim save bilong yumi long wok ileksen.

Wok glasim bilong dispela ileksen bai kamap long bi-hain.

Tasol long nau, em i taim bilong traim bilip bilong PNG Ilektoel Komisin, long banisim gut wok ileksen bilong yumi, na bekim gut olgeta askim, na salens i kam long ol kendidet na skrutinia.

Neks wik nau bai yumi lukim ol deklaresen i pairap klostu klostu, na bai yumi strongim yumi yet long bungim ol salens na hevi bilong pilai politiks long fomim nupela gavman.

Sapos em i taim bilong PNG long senisim pasin na tingsave bilong lukautim kantri, bai dispela wok i no hat tumas.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

RADIO AUSTRALIA TOK PISIN PROGRAM	
HARIM LONG: 101.9 FM	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Spots
7.30PM	Nius na Karen Afeas
8PM	Helt
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE - Morning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Mama Graun
8.15PM	Musik/Spots
8.30PM	NIUS
8.40PM	Helt Riplei
8.55PM	Musik
9PM	Stesen Pas
TRINDE - Morning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Foos
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE - Morning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Youth
8.15PM	Musik/Spots
8.30PM	NIUS
8.40PM	Foos Riplei
8.55PM	Musik
9PM	Stesen Pas
FRAIDE - Morning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE - Nait	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
SANDE - Nait	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Femili Blong Serah (Redio Plei)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

Liklik redio na lau fon helpim ol
manmeri long harim kaunim

93FM YUMIFM				
National Weekly Hit Parade:				
Produced & Host by: Kasty				
Titles: Tahaia Sophie & Poroman Crew				
Week Ending: Saturday – 28 th April 2012				
Week before	Last Week	This Week	Charting Song:	Artist:
3	1	1	Black Baby Lewa	Chris Sime ft Nathan Nakikuu & Dready Bones
1(6)	2	2	Sarefaina	Garry Vailhua ft Juggly
2(6)	3	3	B.K	Unique ft Jay Ronson
4	4	4	Satisfy	Sibela Rand ft Vanessa Pouti
5	5(4)	5	Old Mota Medley	Garry Vailhua
6	6	6	Why yu lusim mi go	B-Rad
7	7	7	Me found love	Jokema
10	8	8	Fallen Angel	Waleus of Pangia
8	9	9	My People	Jah'varnz ft P-Naka
17	10	10	Ene hog moraka	Butak
11	11(4)	11	Angie Girl	Logic Crew ft Isaac Yama
9	12	12	Fenua Nakutua	Tevaea B Gravely / James Sime
14	13	13	Ni laikion yu stap	Iden-tical
15	14	14	Lewa	Iden-tical ft Webster & Mickey
12	15	15	Orchid V-Las	Leonard Kania
13	16	16	Lewa	Kiana Maie ft Channel X Crew
18	17	17	Waiga Beat	Hayson Agema
19	18	18	Dizz	Rodney Pakapua ft Delma Mimi
0	19	19	Sentex Mori	Strive
20	20	20	Hidden Valley	Butak
Song In:			Sentex Mori	Strive
Out:			Klei	Reggie ft Twin Tribe

FONDE 12 Julai, 2012		9.08 PM G HOT SPOT #17	5:00 PM G CYBERSHAK #7	5:30 PM G THE MILLIONAIRE HOT SEAT	2:30 PM G SUPER 15 RUGBY “Replay”	5:00 AM G SUPER 15 RUGBY Blues vs. Force “Delay”
5:00 AM G JOYCE MEYER.	9:30 PM G NRL FOOTY SHOW	5:30 PM G THE MILLIONAIRE HOT SEAT	5:57 PM G CRIME STOPPERS	4:30 PM G TRICKY TV #20	7:00 AM G HILLSONG	
5:30 AM G TODAY	10.57PM G EM TV TOKSAVE	5:57 PM G CRIME STOPPERS	6:00 PM G NATIONAL EMTV NEWS	5:00 PM G BRITISH CIRCUS S1 Ep#1/6 Repeat Final.	7:30 AM G CHIT CHAT with Sir. Paulias Matane	
9:00 AM G MALOLO CLUB — 9am — 3pm Oliver Twist Hercules Wild Hogs Maid in Manhattan	11.00 PM G ELITE MUSIC ZONE 11:30 PM G EMTV NEWS REPLAY 12:00 AM G AUSTRALIA NETWORK	6:00 PM G NATIONAL EMTV NEWS 7:00 PM IN MORESBY TONIGHT 7:30 PM G NRL ROUND 18 9:30 PM G SUPER 15 RUGBY “Replay” 11:27 PM EMTV TOKSAVE 11:30 PM G EMTV NEWS REPLAY 12:30 AM G AUSTRALIA NETWORK	6:00 PM G NATIONAL EMTV NEWS 6:30 PM G NRL ROUND #18 Storm vs. Raiders - Fox ‘replay’ 8:30 PM G NRL ROUND #18 Titans vs. Warriors - Fox “Replay” 10:30 PM G EMTV NEWS REPLAY 11:00 PM G SUPER 15 RUGBY Cheetahs vs. Stormers “Live” 1:00 AM G SUPER 15 RUGBY Lions vs. Rebels “Live”	7:35 AM G BLISSFUL BLOSSOM 8:00 AM G **YOGA SUTRA — premieres #01 8:30 AM G BUSINESS PNG Repeat... 9:00 AM AUSTRALIA NETWORK 10:00 AM G RESOURCE PNG — repeat 11:00 AM G AUSTRALIA NETWORK 12:00 PM G SUPER RUGBY Waratahs vs. Brumbies “Replay” 2:00 PM G NRL ROUND #18 Rabbitohs vs. Knights “Live” Fox...		
3.00 PM G KIDS KONA 3.00 PM DORA THE EXPLORER 3.30PM MACDONALD’S FARM 4.00 PM THE SHAK 4:30 PM KITCHEN WHIZ	FRAIDE 13 Julai, 2012 5:00 AM G JOYCE MEYER. 5:30 AM G TODAY 9:00 AM G MALOLO CLUB 9am — 3pm Rataouille Pay it Forward Young at Heart	SARERE 14 Julai, 2012 6:30 AM AUSTRALIA NETWORK/STATION OPENS 7:00 AM G WAYBULOO 7:30 AM UNTIMATE GUINNESS WORLD RECORDS 8:00 AM G NAMASTE YOGA RPT.. 8:30 AM K-WAVE #4/19 9:00 AM G MOTU GADODIA — Repeat...	SANDE 15 Julai, 2012 3:00 AM G SUPER 15 RUGBY “Live”@3:10am	4:00 PM G NRL ROUND #18 Eagles vs. Eels “Replay” 6:00 PM G NATIONAL EMTV NEWS		

TORO



BIABIA



KANAGE



TOKWIN

Ren bagarapim posta

PLANTI ol posta bilong ol kenidet long Pot Mosbi i bin wet long tupela de ren, dispela ol posta ol mekim long pepa, plani bilong ol ren i bagarapim nogut tru.

Dispela em mak bilong yusim narapela mani gen long mekim nupela, na taim bilong kepen tu em sot nau na planti ol kenidet wok traim long karamapim bikipela hap ples long kisim vot bilong ol manmeri.

Dispela ren long Mosbi bin wasim

pes bilong ol kenidet gut tru wantaim posta bilong ol, planti manmeri long rot i tok larim ren wasim pes bilong ol, taim bilong ileksen yumi lukim kainkain pes na taim ileksen pinis dispela ol pes ya bai go hait na ren no inap wasim ol gen.

Gutpela toktok kam long kempen

OL kenidet i wok long mekim ol gutpela toktok long taim bilong kepen, tasol ol dispela toktok bai karim kaikai bilong em sapos ol win long go long Waigani?

Dispela em bai askim bilong yumi

ol wanwan manmeri, dispela liklik piga bilong yumi ol lain bai makim long tupela minit tasol na namba yu kamapim pinis long vot. Dispela em no longpela taim laka, tasol dispela wari na laikim bilong long sevis yu ting bai yu kisim long tupela minit olsem yu makim piga bilong yu.

Tingting na save stap long yumi wanwan manmeri, na sapos tingting bilong yumi orait na mak bilong vot bilong yumi orait kaikai bilong em bai kam long tupela minit tasol sapos askim bilong yumi go long dispela man o meri yumi makim.

A	I	R	N	I	U	6	I	N	I	E	S	K	A	6	O	A
H	U	R	T	S	H	N	M	O	L	V	U	E	R	C	R	I
P	S	E	S	I	A	L	E	T	W	R	V	I	P	I	L	R
L	I	E	X	F	S	D	E	R	V	V	S	X	A	J	H	L
E	A	S	K	H	J	K	L	O	P	K	U	N	B	N	S	I
S	E	I	U	I	T	F	D	S	R	E	O	O	I	P	U	N
B	C	F	P	R	N	E	V	U	F	I	S	P	A	R	T	E
A	I	P	O	J	R	E	W	S	T	S	F	6	I	K	K	S
L	T	O	L	U	A	F	R	A	S	I	T	E	E	L	E	P
U	I	N	I	6	H	K	N	V	D	R	K	U	O	I	S	N
S	R	K	H	D	S	S	E	E	W	T	T	E	P	O	I	6
E	U	D	R	S	D	C	V	T	N	M	E	T	T	O	P	S
R	V	E	V	N	N	J	K	L	O	P	K	C	V	R	I	E
T	K	O	A	P	L	K	N	B	D	R	S	I	A	E	A	R
I	E	L	S	T	P	A	I	L	O	T	I	U	I	L	V	M
W	S	E	A	R	T	V	I	N	E	R	B	A	L	U	S	A
I	K	L	J	I	U	S	P	E	A	H	O	S	T	E	S	F

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAIR	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LAP JAKET	EA HOSTES	PAILOT	SUTKES

2		4	9	6		1		5
	3			8				
	8	1				4	9	
7			1	4			3	9
		3		9		2		
9	6			3	2			1
	2	7				3	6	
				7			1	
3		6		1	4	8		

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

Ansa bilong las wik Pasol

T	A	R	A	6	A	U	B	I	L	O	N	6	N	A	I	T
				S												
K					E				K	U	M	U	L			P
A				K	A	L		A	N	6	A	R				I
A								A							S	
	A			K	O	K	O	M	O			S	I			K
	R				T						A	N		K		O
6	U	R	I	A		A				R				A		K
	K						R		6					P	I	P
								A						B		V
				P	A	T	O	L		6						I
I																
				O	E				A	A				I		B
A			K		P											U
N			T								U	L				K
A	O		I					K	A	K	A	T	U			A
K			A									S				
W				S	U	B	6	N	O	L	I	B	L	U	A	P

EMTV Television Guide

6:30 PM G MOTU GADODIA	3:30PM — THE NEW MACDONALD'S	3:00 PM G KIDS KONA	TRINDE 18 Julai, 2012	7:30 PM G STATE OF ORIGIN
7:00 PM G ELECTION FOCUS	4:00 PM EURO 2012 — FINALS "REPLAY"	3:00PM — DORA THE EXPLORER	5:00 AM G JOYCE MEYER.	#3 — FINAL
7:30 PM G 60 MINUTES	5:55 PM CRIME STOPPERS	3:30PM — THE NEW MACDONALD'S FARM	5:30 AM G TODAY	LIVE FROM BRISBANE
8:30 PM PGR CHIT CHAT	6:00 PM G NATIONAL EMTV NEWS	4:00PM — THE SHAK	9:00 AM G MALOLO CLUB — 9am — 3pm	10:00 PM G THE WORLD AROUND US
8:35 PM MAO MOVIE	7:00 PM G NRL ROUND #17	4:30PM — KITCHEN WHIZ	The Count of Monte Carlo Mulan	— Mountain Rebirth
10:30 PM G HILLSONG (Repeat)	Raiders vs. Dragons "Live"	5:00 PM G CYBERSHAK #5	Willy Wonka and the Chocolate Factory	11:00 PM G SURVIVOR — One World
11:00 PM G EMTV NEWS — Replay	9:00 PM G TOK PIKSA	5:30 PM G THE M/AIRE HOT SEAT	Flipper	12:00 PM G EMTV NEWS REPLAY
11:30 PM Australian Network -	9:30 PM G SPORTS SCENE	6:00 PM G NATIONAL EMTV NEWS	3:00 PM G KIDS KONA	1:00 AM - Australia Network -
	9:57 PM G EMTV TOKSAVE	7:00 PM G HAUS & HOME #13	3:00 PM DORA THE EXPLORER	
MANDE 16 Julai, 2012	10:00 PM G EMTV NEWS REPLAY	7:30 PM G BUSINESS PNG EP# 6	3:30PM NEW MACDONALD'S FARM	
4.45 AM G EURO 2012 — FINALS "LIVE"	11:00 PM AUSTRALIAN NETWORK	8:00 PM PGR LEGEND OF THE SEEKERS	4:00 PM THE SHAK	
7:00 AM G TODAY		8:57 PM G EMTV TOKSAVE	4:30 PM **MR MAKER	
9:00 AM G MALOLO CLUB — 9am — 3pm	TUNDE 17 Julai, 2012	9:00 PM MAO HAUNTED		
Pirates of the Carribean	5:00 AM G JOYCE MEYER.	HOMES —The Plymouth Girls		
"Curse of the Black Pearl"	5:30 AM G TODAY	10:00 PM G AUSTRALIA'S FUNNI	4:57 PM G EMTV TOKSAVE	Program bai
Charlie and THE Chocolate Factory	9:00 AM G MALOLO CLUB — 9am — 3pm	EST HOME VIDEO SHOW	5:00 PM G CYBERSHAK	senis long taim
Around the World in 80 Days	Elektra	11:00 PM G EMTV NEWS — REPLAY	5:30 PM G THE MILLIONAIRE HOT SEAT	bilong en..
	Shrek I	12:00 AM AUSTRALIAN NETWORK	6:00 PM G NATIONAL EMTV NEWS	
3:00 PM G KIDS KONA	Kung Fu Panda		7:00 PM G ORIGIN BUILD UP 1 #3/3	
3:00PM — DORA THE EXPLORER	When we Were Kings			



NEM: Berthlyn Huaffe
KRISMAS: 16(Meri)
ADRES: Passam Primary school, P.O. Box 521, Wewak East Sepik Provins
SAVE LAIKIM: Harim musik, pilai soka, pilai volibol mekim pani, kisim wara, watsim TV na ritim Baibel

NEM: Jimmy N. Nimms
KRISMAS: 19 (man)
ADRES: Kilipau village, P. O. Box 56, Vanimo Sandaun Provins
SAVE LAIKIM: Raitim pas, ritim buk, harim musik, ring long Fon na senisim presen.

NEM: Rodney Wauku
KRISMAS: 25 (man)
ADRES: C/- Andrew Api Vanimo CIS, PO Box 124, Vanimo Sandaun Provins
SAVE LAIKIM: Harim musik, pilai soka, watsim TV, swimming na painim stori

NEM: Jason Sull
KRISMAS: 40 (Man)
ADRES: P.O. Box 248, Madang – Madang Provins
SAVE LAIKIM: Ritim Niuspepa, harim musik,kukim kaikai, wasim kolos, wokabout, trevol go kam long bisnis insait long PNG na painim poromeri long stap wantaim oltaim. Yu ken ring long dispela namba, 7272 2843.

NEM: Jimmy Ekoda
KRISMAS: 20 (man)
ADRES: Sangara Vocational School, P O Box 170, Popondetta, Oro Provins
SAVE LAIKIM: Go lotu, pilai soka, pilai volibal, painim wanpela meri long maritim na stap wantaim oltaim.

NEM: Joe .K
KRISMAS: 24 (man)
ADRES: P O Box 1289, Goroka, EHP – 7360 3650
SAVE LAIKIM: Go lotu, pilai musik singim song, pilai spots, mekim pren na planti mo.

NEM: Gima Target
KRISMAS: 20 (meri)
ADRES: Bugandi Secondary School, PO Box 1225, Lae Morobe Provins
SAVE LAIKIM: Go lotu, ridim Baibel, mekim pren wantaim ol lotu manmeri, pilai ragbi,volibol and watsim TV(News)

NEM: Presley Tai
KRISMAS: 20 (Man)
ADRES: PO Box 28, Mondomil Minj, Jiwaka Provins
SAVE LAIKIM: Go lotu, ritim Baibel, ritim buk, stadi skul wok, pilai ragbi, harim musik na mekim poroman wantaim arapela.

NEM: Belany Haikope
KRISMAS: 19
ADRES: Don Bosco Araimiri Secondary, PO Box 159, Kerema Gulf Provins
SAVE LAIKIM: Ritim buks, pilai gems, go lotu long Sande, mekim pani wantaim poroman

NEM: Bunau Dadis
KRISMAS:31 (man)
ADRES: Raibus Security Service Ltd, PO Box 1337, Madang, Madang Provins – 7146 7257
SAVE LAIKIM: Go danis, Lukim TV, harim musik na painim gutpela poromeri long stap wantaim oltaim.

penprenkanagelaipain

Raun wantaim Kanage olgeta wik

Rais i no kuk yet...

KANAGE i stap wantaim meri bi-long em longpela taim nau. Wanpela apinun, meri bilong Kanage i redim pot kaikai na putim long paia. Meri hariap i go waswas bikos em ples i hot. Em tokim Kanage long was long pot kaikai long paia. Em i go waswas na em lus tingting long kisim sop. Em i go bek long haus long kisim sop. Em i go antap long kisim sop na lek bilong em i wel na turangu hariap holim sait long haus. Tasol taul i lus. Kanage lukim olsem na em i opim ai na tok, "Aiyo....., rais i no kuk yet na Ox & Palm op pinis...".

Soulist Raiiotzs Madang

Kros long beltait

WANPELA moning, papa Kanage go wok long gaden. Em wok i go na hang-ere kisim em. Em kam bek long haus na meri bilong em skelim kaikai bilong em. Kanage kaikai pinis na em tokim meri na pikinini meri bilong em, "yu tupela i go na karim ol paiawut mi brukim pinis na i stap long gaden". Pikinini meri bilong em les. Papa Kanage bel-hat na em tokim em, "Yu les long wanem! Bai yu stap tasol olsem! Bihain yu marit, man bilong yu bai mekimsave long yu long dispela kain pasin". Mama harim Kanage hatim pikinini meri na em tokim Kanage, "Inap ya! Maski long kros". Papa Kanage tanim em tokim mama, "Mi gat rait long kros na skulim em long wok. Yu noken tokim mi long pasim maus. Yu tupela les long mi kros,



orait, yu tupela i go na painim rot long kaikai na kisim manil"

P Posou

Rough! Rough!

Amerika na wanpela Papua Niugini pikinini, tupela i pilai long gras stap na skin blong tupela i sikarap. Papua Niuginian kirap na tok inglis long Amerikan olsem, "Yu Rough me first, then I rough you. Together we rough rough".

Tupela Marit

Tupela marit stap longpela taim na man igo marit wantaim wanpla niupela meri. Ino long taim ol i painim aut Na putim tupela long kot. Taim kot i askim tupela, tupela i Yes! Ino long taim nambawan meri kirap Na tok, "Mi wanbel long tupela wokim, tasol mi laikim plastik contena wara blong mi mas karim i kam long mi yet".

Masol man

Wanpela bun kakaruk man pikinini kirap na askim bata blong em. Olsem wanem long ol man i save bikipela na masol man nambaut ya? Bata blong em kirap na bekim olsem, "Ol save dringim planti sup". Dispela

pikinini ya harim na olgeta taim em ino save westim long dringim sup. Olgeta taim em save mekim olsem na wanpela taim em tok long em yet olsem, "Man ating ol sup mi wok long dringim ya inogat gris long en olsem pik blong Sepik". Sapos pik blong Hailans em mi masol man nau!

Kanage paitim Pikinini

Wanpela taim, pikinini bikhet na papa Kanage paitim em. Pikinini wari na karai i stap na sem taim poroman bilong Kanage i kam long lukim papa Kanage. Em i lukim pikinini bilong Kanage i sindaun long varanda blong haus na karai i stap. Em i askim, papa i stap ah? Seken taim gen em i askim, papa stap ah? Nogat bekim, pikinini bisi long karai i stap. Namba tri taim gen em askim pikinini, papa blong yu Kanage i stap ah? Pikinini karai wantaim na singaut long papa, Papa! Papa! Papa Kanage bekim na tok, wanem ya pikinini yu tok. Papa, man blong yu kam long lukim yu oh.

Manus

Ol skwat!
Salim ol gutpela Kanage
tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: atolire@wantok.com.pg

Marit bagarap bikos mi nogat pikinini



Dia Laipain,
MI NA man bilong mi i marit long sampela yia nau na mipela i nogat gutpela sans long karim pikinini. Mitupela i amamas long marit bilong mitupela, na man bilong mi i gat gutpela wok. Em save givim mi mani olgeta pot-nait.

Tasol em i stop long givim mi mani na mi save long as bilong dispela. Em bikos mi no inap karim pikinini.

Mi tupela i sindaun na toktok wantaim long dispela na go lukim dokta husat i mekim ol tes long helt bilong mipela, tasol em i tok nogat wanpela samting i rong.

Dispela i kamap sampela yia i go pinis na mi stap yet wantaim nogat pikinini.

Mi wari tru long pasin man bilong mi i mekim long mi na mi laik lusim em na maritim narapela man.

Mi paul na mi no save long wanem samting stret long mekim.

Inap Laipain i helpim mi long painim wanpela bekim long mekim man bilong mi laikim mi, maski mi no inap karim pikinini?

Nogat pikinini.

Dia Pren,

Tenkyu long autim wari bilong yu, long inap karim pikinini, wantaim Laipain

Hevi bilong yu i wankain long planti

arapela hevi bilong ol marit lain bilong tude.

Sampela lain i save marit na i laik gat famili long rait wei. Ol narapela i laik wetim sampela yia bipo ol i kamapim famili o lukautim pikinini bilong nara-pela.

I gat planti as long watpo yu na man bilong yu i nogat gutpela sans long karim pikinini.

Nogut yu tupela i no slip wantaim long rait taim we bodi bilong yu inap long mekim kiau. Mipela i laik save wanem kain tes yu na man bilong yu i kisim taim yupela i go lukim dokta.

Mipela laik strongim yu tupela long go lukim famili plening klinik klostu long yupela.

Ol nes na dokta husat i gat gutpela trening bai mekim gutpela tes na i ken helpim yupela moa.

Mipela i laik tokim yupela long nara-pela tingting we yupela I ken traim. Inap yu tok aut long pilings bilong yu wantaim man bilong yu na mekim em i save

gut olsem yu laik karim bebi. Tasol sapos dispela i no inap, yupela i ken traim ol narapela rot long kisim pikinini. Kain olsem lukautim pikinini bilong wanpela famili memba o lukautim pikinini bilong narapela lain.

Yu ken amamasim marit laip maski yu gat pikinini o nogat. Marit laip i mas gat bikipela laik, tras, rispek na gutpela tingting long wanpela narapela. Wanpela gutpela wei long kisim strong em long lukim pasto bilong yu tupela.

Mipela i strongim yu tupela long tok-tok wantaim wanpela famili kaunsela o wanpela marit lain husat i marit longpela taim liklik- lain we yu tupela i trastim ol na i ken helpim yutupela long abrusim moa wari.

Pren bilong yu Laipain,

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.
Laipain

Usino - Bundi pipel bai kisim bikpela 2012 Krismas presen



China Embasada Mista Qiu, Madang Gavana James Gau, bos man bilong Ramu NiCo Gu Yuxiang na man i go pas long rot (helmet) Mista Yang i witenesim graun brekin seremoni long Usino stesin. *Poto: Mathew Yakai*



Wanpla bilong ol strongpla bris long Draï Wara klostu long Usino stesin. *Poto: Mathew Yakai*



Ol manki long Usino Bik Ples i ronim bus kar bilong ol antap long nupla bris bilong Samson riva klostu bai pinis. *Poto: Mathew Yakai*

Mathew Yakai mcc Ramu NiCo i raitim

OL PIPEL bilong Usino-Bundi husat i save stap long ol viles na hauslain namel long Usino Maurot i go long Yamagi bai kisim wanpela gutpela 2012 Krismas Presen

Krismas presen ya em nupela na stail rot na o nupela bris.

Bikpela divelopa Ramu NiCo, husat nau i digim nikel na kobalt antap long Kurumbukari (KBK) maunten i bin kam long kantri long 2003. Long dispela taim planti ol pipel insait long Yamagi na ol viles long hap i save wokabaut inap mak long tripla dei bihain long ol i kamap long Usino-mausrot na kisim kar i go long Madang o Lae.

Tude, ol i kaikai gut long moning, waswas gut na go long Madang taun na kam bek long seim dei tasol. Dispela em bikos long bikpela invesmen bilong Ramu NiCo i stap long hap na dispela i bringim kamap narapela bikpela invesmen tru long dispela eria na i ken senisim laipstail bilong ol manmeri na pikinini na tu ol tumbuna long bihain taim.

Las yia long mun Novemba emabesada bilong China i kam long PNG i bin lonsim dispela bikpela rot na bris projek namel long Usino-mausrot na Yamagi. Gavman bilong China i givim K22 mil aninit long eid program bilong en long wokim kamap dispela bikpela projek.

Man i go pas long dispela rot projek, Mista Yang Bing bilong kampani, China Aid Konstruksen i tok em i gat bikpela bilip olsem em i bai pinisim dispela rot na givim olsem wanpela bikpela Krismas presen i go long ol pipel bilong Usino-Bundi.

Dispela rot ol manmeri i lukim bai aigris bilong wanem em i narakain stret long ol arapela rot we i stap pinis insait long PNG. Na tu ol i wokim sampela ol strongpela simen na ain bris stret long dispela rot we bai i daunim birua bilong graun guria wantaim wara tait.

Mista Yang i tok dispela rot projek i bin stat long mun Oktoba 2011 na bai pinis klostu long pinis bilong dispela yia.

"Kontrak i tok mipela mas pinis long dispela yia na mi gat bikpela bilip olsem rot bai i pinis long taim stret na kwaliti bilong rot bai i gutpela stret," Mista Yang i tok.

Dispela rot i wokim pinis 6-pla strongpela bris we i yusim moa long 200,000 kubik mita simen na ol strongpela ain na ston, we bai lukim bris na rot

i stap longpela taim tru.

Mista Yang i tok tu olsem rot i bai yusim moa long 3000,000 kubik mita kolta ston long kolta bai ron antap. Wok long putim kolta bai kamap mun Julai.

Em i tok Usino veli i gat planti wara tasol on kontraka i yusim planti ston gravel long bai rot i strong na bai i stap long-pela taim.

"Bikpela birua bilong mipela long slowim wok liklik em long bikpela ren. Tasol sapos san tasol i kamap bai rot i pinis hariap stret," Mista Yang i tok.

Em i tok ol planti China wokman we namba i stap olsem 40-pela i kam long wanpela kampani bilong China we i gat nem na namba long wokim ol bikpela rot, bris na ol bikpela infrastraksa projek

Em i tok tu olsem kampani i kisim moa long wan handret lokel man i wok na helpim kampani we ol i wok bung wantaim long pinisim dispela projek.

"Ol asples manmeri i sapotim mipla. Provinsel woks dipatmen na ol narapla gavaman na asples lain i sapotim mipla na displa em gutpla spirit long pinisim rot areap."

"Mi wanbel stret na tok tenkyu long sapot bilong ol," Mista Yang i tok. Mista Yang em i bin stat wok wantaim Ramu NiCo na i stap insait long PNG long 5-pela krismas na save gut long kalsa na kastom bilong Usino-Bundi.

Long las yia Novemba Embesada bilong China, Mista Qiu Bohua i bin launsim dispela projek long Usino Stesen, em i tok dispela halivim i kam long I pipel bilong China i kam wantaim gutpela bel na tingting long halivim ol pipel bilong PNG na Usino-Bundi.

Mista Qiu i tok, wantaim pinis bilong dispela rot bai i helivim ol pipel bilong Usino-Bundi na ol turangu mama, pikinini na lapun i ken kisim gutpela helt sevis, go long skul na tu ol mama i ken salim kaikai long gaten na kisim mani long sapotim ol family.

"Long China mipela save tok olsem sapos yu laik divelopim wanpela ples orait yum as wokim gutpla rot pastaim. Mi gat bilip olsem dispela rot bai bringim bikpela divelopmen i go insait long ol asples bilong Usino-Bundi," Mista Qiu i tok.

Planti lain husat i bin ron i go long ap ples bilong Usino-Bundi i toktok tu olsem kain rot na bris em strongpela na gavman bilong PNG i mas lukluk long stretim Hailens Haiwe wankain olsem.

CPL strongim wan kantri, wan traib

Aja Alex Potabe i raitim

CPL GRUP i nau laik mekim yumi olgeta manmeri bilong PNG i bung wantaim na amamas olsem yumi olgeta bilong wanpela traib na wanpela kantri tasol.

Taim ol politikel man i wok long hangre long pawa na tingting long brukim dispela kantri namel long laik bilong ol yet, CPL Grup, i laik soim ol pipel na kantri olsem em i kampani tru tru bilong PNG, we em i putim pipel long lewa stret.

Long wanpela promosen wok bilong CPL Grup, ol i laik apim nem bilong PNG na bungim yumi olgeta manmeri PNG aninit long wanpela traib na wanpela kantri tasol.

Meri go pas long dispela kempen, Lindy Anton, i tok; "Mipela laik tokaut long PNG olsem, maski yumi gat moa long 800 kain kain pasin tumbuna na traib, yumi i nau stap

olsem wanpela traib na wanpela kantri tasol. CPL i luksave olsem yumi olgeta i wanpela tasol."

Anton i tok taim ol pasin korapsen na pawa hangre pasin bilong ol man long politiks i ken brukim dispela kantri, CPL i les long pasin nogut bilong brukim kantri i kamap.

"CPL i les long yu tok yu bilong Sepik o yu bilong Sauten Hailans. Mipela i laikim yu long amamas olsem yumi bilong PNG.

"Yumi mas amamas long kantri bilong yumi, PNG. Yumi mas amamas olsem yumi stap strong, maskim yumi gat kain-kain pasin tumbuna," Anton i tok

Em i tok ol yangpela manmeri i mas amamas olsem ol bilong PNG, CPL i laik mekim ol pipel bilong PNG i amamas olsem ol i nau stap aninit long wanpela kantri na wanpela traib tasol.



Yumi mas amamas long stap aninit long wan traib na wan kantri.

PNG LNG Projek wokman helpim botanikel gaden



EHL LUKSAVE...PNG LNG Projek wokmanmeri i luksave na helpim botanikel gaden. Poto: Esso Highlands Ltd

POT MOSBI Nesa Pak (Nature Park) i kisim sampela helpim long Esso Highlands Limited (EHL), opereta bilong PNG LNG Projek, taim sampela wokman bilong bilong EHL i go mekim sampela mentenens wok long hap.

Nem bilong dispela pak bipo ol i save kolim NCD Botanikel Gaden tasol long Jun 16, ol i senisim nem bilong en.

Taim ol i senisim nem bilong, planti wok mentenens i bin kamap long mekim dispela ples luk gutpela long kisim kol win, lukim ol animol na malolo.

Ol wokman bilong EHL i bin stretim hap bilong wokabaut i go insiat long bus, na hap we ol i save putim ol muruk.

POT MOSBI Nesa Pak em i wanpela pak tasol long wol, we ol i lukautim olgeta tripela kain muruk, we IUCN (International Union for

the Conservation of Nature) i luksave long en.

Dispela pak i lukautim ol dispela tripela kain muruk insiat long liklik bus long hap, na ol manmeri i ken lukim ol.

Environmen na Regulatori Menesa bilong EHL, Ruben Medrano, i tok dispela EHL wokmanmeri i helpim long stretim banis bilong muruk na hap bilong wokabaut long liklik bus insait long gaden.

"Tupela grup bilong wokmanmeri i kam long EHL i pentim hap bilong lukautim ol muruk, ples bilong wokabaut long liklik bus, wara tenk, na liklik haus bilong ol muruk. Ol i mekim ol dispela wok long tupela Sande na ol i mekim ples luk klin na gut tru stret," Medrano i tok.

19-pela wokmanmeri bilong EHL na ol famili bilong ol i wok long tupela sande long klinim dispela gaden.

Air Niugini opim nupela Pom-Cebu rot

BALUS kampani bilong PNG, Air Niugini, i opim pinis wanpela nupela intenesenel rot long Philip-pines.

Namba wan flait i go long Cebu, Philippines bai kamap neks wik Mande na dispela sem flait bai kam bek long lusim Cebu long Tunde nait na kam kamap long Mosbi long Trinde moning.

Wantaim dispela nupela Pom-Cebu rot, Air Niugini i nau gat 10-pela intenesenel rot we em i save sevim.

Ol dispela em ol rot i go long Australia olsem Cairns, Brisbane, Sydney, Honiara (Solomon Ailans), Nadi (Fiji), Narita (Japan),



AIR NIUGINI bai gat 5-pela flait long Philippines olgeta wik bihain long ol i opim Pom-Cebu rot. Wantok Poto

Singapore, Hong Kong na Manila (Philippines).

Air Niugini CEO, Wasantha Kumarasiri, i tok Air Niugini i opim nupela rot bikos moa manmeri i laik i go kam long Philippines.

"Australia na Esia (Asia) em i tupela namba wan intenesenel maket bi-

long Air Niugini. Mipela i nau amamas long opim dispela nupela rot.

"Opim bilong Po-Cebu rot em i namba wan samt-ing bikos em bai larim ol Pilipino manmeri, husat i wok long PNG LNG Projek, piseris sekta, na mwkim ol ol arapela wok

long PNG, long go stret long Cebu na i no westim taim gen na go long Manila, na kambek gen long Cebu," Kumarasiri i tok.

Taim ol i stretim pinis plen bilong ron bilong balus, Air Niugini bai gat tupela dairekt flait long olgeta wik.

Namba wan flait bai lusim Mosbi long olgeta Tunde apinun 4:50 pm na kamap long Cebu long 8:20 pm nait. Namba tu flait bai kamap ologeta Fonde long wankain taim.

Dispela i mekim Air Niugini flait i go long Philip-pines 5-pela taim olgeta insait long olgeta wik.

Sir Rabbie joinim InterOil bot

BIPO praim minista bilong Papua Niugini, Sir Rabbie Namaliu, i joinim bot ov dairekta bilong InterOil Corp olsem wanpela nupela dairekta.

InterOil Corp em i kampani bilong Kanada, tasol olgeta bisnis bilong en i stap long PNG.

Wanpela bikpela projek InterOil i go pas long en em i bikpela namba tu LNG Projek long Galp (Gulf) Provins.

Sir Rabbie em i sinia stetsman long kantri bikos em i bin stap praim minista, palamen spika, foren afes minista, na em i bin holim sampela bikpela wok bilong gavman taim em i bin go insait long palamen long yia 1982.

Nupela siaman bilong InterOil bot em i Dokta Gaylen Byker. Dokta Byker em i wanpela save man long loa na em i bin wok wantaim wanpela biknem benk long Nu Yok, Amerika ol i kolim Chase Manhattan Invesmen Benk.

interOil i tok ol i gat bikpela bilip long save na kala bilong wok bilong tupela, we em i gat sans

long groim dispela kampani na tu larim dispela bikpela LNG long Galp i go het yet.

Long kirapim dispela Galp LNG Projek, InterOil na projek patna bilong en, Pacific LNG Operations Limited, i kamapim wanpela nupela kampani ol i kolim Liquid Niugini Gas Limited (LNLG).

InterOil bai rausim ges long Elk na Antelope ges fil long Galp Provins na LNLG bai kamapim rifa-neri ol LNG plent bilong tanim ges i go long LNG.

Dispela plent bai stap long Galp Provins yet na em bai gat namel sais LNG plent, we em i ken kamapim 2 milian tan LNG long wan-wan yia, na i ken surukim dispela i go moa long 8 milian tan long wan-wan yia.

LNLG bai kamapim tu nara-pela LNG plent long stap antap long wara. Ol i kolim dispela fiks o floting (fixed/floating) LNG, we em i ken kamapim 1.8 i go inap 2 milian tan bilong LNG wan-wan yia.



GLASIM RAMU NICO PROJEK



Wanpela Ramu NiCo, Wanpela Komuniti

DEC mekim lukluk raun long Ramu Projek

TUPELA sinia menesa bilong Dipatmen ov Envairomen Konsevesen (DEC) i bin mekim lukluk raun bilong ol i go long Kurumburu Main na tu long Basamuk long dispela wik long glasim na sekim wanem wok we Ramu Projek i kamapim bihainim plen bilong Projek insait long Operesens Envairomen Menesmen Plen (OEMP).

Dispela OEMP, em wanem samting Ramu Projek i mas bihainim wantaim plen we DEC o Gavman bilong PNG i laikim long em wokim kamap insait long projek long lukautim bus, graun, wara na solwara we Projek i stap long en.

Dispela tupela sinia menesa bilong DEC em: Dairekta Regulatori Divisen, Tony Kuman na Menesa Envairomen Permit, Susan Yakip.

Dispela tupela DEC ofisa i bin go long Madang na bihain kisim kar wantaim Ramu NiCo Sif Teknikol Dairekta, Dokta James Wang, na i go antap long Kurumbukari maunten we main sait bilong Ramu Nikel Projek i stap long en.

Ol i kisim kar long Madang na ron bihainim Madang-Ramu Haiwe i go long rot klostu long Kawawar Maket we ol i sekim wok i go het long wokim ol pos simen long apim slari paipplain bilong Ramu NiCo i go antap. Dispela em bihain long graun i surik long stat bilong dispela yia na muvim paipplain i go klostu long rot.

Taim tupela DEC ofisa i go kamap long KBK main, ol i bin go bung wantaim deputi Main Menesa, Meng Deyong, husat i bungim ol long KBK. Bihain ol i go harim toktok long sefti we Ramu NiCo I save bihainim. Bihain long toktok bilong sefti i pinis, Dokta James Wang i bringim tupela DEC ofisa, Susan Yakip wantaim Mista Kuman i go lukluk raun long ol bikipela operesen han bilong Ramu Projek long Kurumbukari.

Ol i raun i go long main eria we ol wokman i save kisim nikel graun long pit na bringim i go wasim long Plent na bihain i go long Benefisiesen Plent na tu long Kromait Rimuval Plent.

Dokta James Wang i givim stori long wanem ol proses o rot we nikel ol i kisim long graun long Kurumbukari i save ron stat long pit i go long ol prosesing eria na bihain i save go insait long 135 kilomita paipplain na go olsem long Basamuk Rifaineri.

Long Tunde, Mista Kuman na Misis Yakip i bin kalap long bot bilong Ramu NiCo, **mv Carrie** na katim solwara i go long Basamuk.

Long Basamuk, ol i go bung pastaim wantaim ol lain ofisa bilong HSE na tu Sif Operating Ofida (COO), GaoYongxue.

Mista Gao i tok welkam long tupela sinia menesa bilong DEC long Basamuk na i tokim ol olsem Ramu NiCo i amamas long kisim wanem kain toktok i kam long DEC long bringim kamap wanem samting em i laikim.

Em i tok tu olsem bihain long wok konstraksen na komisinig bilong Projek, ol i wok nau long sait long Prodaksen na i laik wok klostu wantaim ol Gavman Atoriti long wanem wok em i gupela long Projek.

Em i tokaut tu olsem long nau yet Ramu Projek long Basamuk i wokim kamap wanpela nupela Esid Plent bilong em.

"Mipela i welkam long wanem ol gupela tingting yupela i givim mipela na tu wanem samting yupela laikim mipela i mekim long strongim envairomen wok bilong Ramu Projek," Mista Gao i tok.

Insait long dispela miting, wanpela ofisa bilong HSE i givim toktok long sait bilong sefti na wanem ol lo long bihainim insait long Basamuk Rifaineri. Bihain long sefti toktok, Dokta James Wang i kisim tupela DEC menesa i go lukluk raun long Basamuk rifaineri na ol dipatmen na seksen long hap.

Nambawan ples ol i go lukim em ples we Projek i save kisim wara saplai i kam long en na bihain ol i go long Esid Plent we Ramu NiCo bai wokim na kamapim Salfarik Esid long sapotim ol arapela plent insait long Basamuk Rifaineri.

Bihain long lukluk raun bilong ol long hap, ol i go lukluk long Hai Presa Esid Litsing Plent (HPAL) na tu i bin go long Sentral Kontrol Rum bilong Basamuk Rifaineri, we i gat ol kamera i stap na i save glasim olgeta bikipela masin na ol seksen na dipatmen long Basamuk Rifaineri.

Bihain long ol i lukluk raun long kontrol rum, tupela DEC ofisa i go long bikipela tenk bilong Dip Si Teilings Plesmen (DSTP) wanpela eria we planti kain kain toktok na kot i bin kamap long en.

Misis Yakip i bin gat sans long go antap long tank we daunbilo long dispela i gat ol masin i stap we i miksim ol pipia wantaim solwara na ol marasin long mekim ol pipia i redi gut long go daun long daunbilo o aninit tru long solwara.

Ol i sanap antap long tenk na lukluk i go aut long solwara na i lukim olsem solwara i stap blu long antap na nogat samting i kamap, maski olsem planti kain kain toktok ol NGO na ol asples lain i wok long mekim.



Susan Yakip harim Dokta James givim toktok antap long DSTP Miksing Tenk long Basamuk



Main eria long KBK

Sekim paipplain wok long Madang-Ramu Haiwe



Sanap fran long HPAL long BSK



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipplain)

Wanpela Ramu NiCo, Wanpela Komuniti



KISIM OL SAMTING... Ol lokol manmeri bilong Kumisanger i kisim ol samting bilong planim long ol NARI Risetsa.



PLANIM KAIKAI...Ol manmeri i kisim trening long de taim long gaden, we ol i redim gaden long planim taro.

Ol fama i kisim kaikai sekyuriti trening

Josephine Yaga
i raitim

TAIM kantri i bin bisi long makim ol nupela lida Ilekseen 2012, ol manmeri bilong Kumisanger, Marakum, Bongu, Ileg, Kaliku, Male, Jilim, na Lalok insait long Astrolabe Lokol Level Gavman (LLG), Saidor Distrik long Madang Provins, i bin bisi, redim ol yet long kainkain senis i wok long kamap long weta kondisen.

Weda kondisen em i senis long sun, ren, mun, kilaut na ol arapela samting, we em i ken bagarapim nomol laip bilong ol ples, ol manmeri, na bus, graun na wara.

Long wanpela seve ol i bin mekim aninit long World Vision 'Austrolabe (Community Resilience and Disaster Preparedness Project) Komyuniti Resiliens na Disasta

Pripednes Projek', Astrolabe komyuniti i singaut strong long ol kain kain senis i wok long kamap long ol weta peten, na olsem wanem dispela senis i wok long bagarapim ol kaikai na sekyuriti bilong kaikai long hap.

Ol binatang na sik bilong kaikai i save bagarapim ol kaikai bilong stap strong taim weda peten o kondisen i senis.

Long daunim ol dispela asua, World Vision i bin askim ol save man o risetsa bilong NARI (National Agricultural Research Institute) long trenim ol fama o manmeri bilong planim kaikai nas lukautim ol enimol isnait long moa long 10-pela kaunsil wot long Astrolabe LLG.

Ol World Vision Georgia projek opisa i bin trenim ol fama long ol dispela 10-pela kaunsil wot.

Ol fama i kisim dispela trening long;

■ Kamapim kain kain kaikai long groa gut, na stail bilong planim,

■ Larim ol fama i save gut long save, wei, pasin na stail bilong planim ol kaikai, we em bai nonap bagarap taim weta peten i senis,

■ Larim ol World Vision projek opisa i save gut long save, wei, pasin na stail bilong planim ol kaikai, we em bai nonap bagarap taim weta peten i senis.

World Vision Projek Opisa long Madang, Raymond Yuana, na ol arapela wokman bilong en i bin givim dispela trening long hap, na ol bai mekim i go get yet long ol arapela kaunsil wot ol i no mekim long en.

Bikpela samting ol i bin lainim long dispela trening em wei bilong skelim ol infomesen, ol piksa bilong

redi long drai sisen, na go lukluk raun long ol gaden wse ol i planim kaikai.

Ol manmeri i kisim 2-pela de trening long de taim long gaden na nait taim insait long haus long olgeta 10-pela kaunsil wot.

Ol i statim dispela trening long nambis bilong Astrolabe Be na Saidor Distrik boda, Kumisanger na pinisim long Male viles.

Olgeta kaunsil wot na ples, we trening i bin kamap, i kisim ol samting bilong planim olsem kta-piok, taro, rais sid, na yam.

Moa long 100 kaikai sid bilong planim i bin go long wan-wan kaunsil wot.

NARI Sinia Risets Sain-tis, Kud Sitango na Pascal Pandau ai tokim ol fama long lukautim, groim, na skelim ol dispela kaikai, na tu panimaut na kamapim nupela we bilong planim ol dispela kaikai.



Unacceptable Behaviour



LET'S RESPECT OURSELVES AND DO THE RIGHT THING

A FREE, FAIR & SAFE Election 2012



Acceptable Behaviour



WORK TOGETHER WITH ELECTORAL COMMISSION FOR A SUCCESSFUL GENERAL ELECTION





TROMOI LEK: Tupela karate paitman i mekim save insait long nesenel karate sempionsip we i kamap long Salvation Army long Mosbi long las wik Sarere na Sande. *POTO: Andrew Molen.*



KIK: Faiv eit bilong University Piggies, Paul Gule i redi long kik long A Gred gem bilong ol long Mosbi ragbi yunion resis las wik Sarere long Murray bareks. *POTO: Andrew Molen.*



HOLIM STRONG: Adrian bilong Valley Hunters (lephan) i holim strong bal taim Eron Oki bilong University Piggies i traim long takolim em na rausim bal long A Gred ragbi yunion gem bilong ol long Murray bareks las wik Sarere. *POTO: Andrew Molen.*



RESIS: Sampela ol mangi ron long lukim husat i spit moa namel long ol long hap taim bilong Digicel kap gem long Mosbi las wik Sande. *POTO: Andrew Molen.*



PAS: Winga bilong ol Lahanis i pas long strongpela takol bilong wanpela Isapea pilaia long raun 13 Digicel kap gem bilong ol long Mosbi. *POTO: Andrew Molen.*



BUNG: Ryan Pini wantaim CEO bilong BSP, Ian Clyne na ol arapela pilaia na ofisol bilong Swimming i bung wantaim las wik long amamasim nupela sponsasip bilong BSP i go long ol. *POTO: BSP.*

TOKSAVE: Salim ol spots dro bilong yu kam long Feks; 325 2579, e-mel;amolen@wantok.com.pg o kam lusim long Wantok Niuspepa opis long Central Waigani, NCD.

Ronim wara na mekim stail



SEFING (Surfing) em i wanpela kain stail spot bilong wara we ol pilaia bilong en i no save yusim wanpela masin o enjin long mekim ol i ron antap long wara.

Spit bilong ol i save kam tasol long strong bilong solwara.

Em i spot we i save kamap strong namel long ol yangpela manmeri na ol mangi tu.

Long ol bikpela kantri we sefing i save kamap strong, planti ol samting i kamap long hap bihainim pasin na kalsa bilong sefing, olsem ol kolos, ol sef bod, ol samting bilong solwara na tu stail bilong toktok na bilas.

Em i spot we i save skulim ol pilaia tu long save gut long pasin bilong solwara olsem wanem taim bai hai wara, wanem taim bai drai wara, strong bilong win na solwara bai bruk olsem wanem.

Sefing i ken kamap long ol ples we solwara i save bruk gut na i gat gupela nambis bilong ol pilaia long i kam pinisim ron bilong ol long en.

Em i wanpela spot we i stat olsem amamas bilong ol yangpela manmeri long solwara long Pasifik taim ol i waswas na nau em i kamap wanpela bikpela gem long wol.

Histri bilong gem

Namba wan taim tru wanpela man bilong Yurop i bin lukim sefing, em long 1767 long Tahiti.

Dispela man em Samuel Wallis husat i bin raun wantaim kru bilong em long sip "Dolphin".

Ol i bin namba wan man bilong Yurop long kamap long Tahiti long Jun 1767.

Sefing i stap longpela taim tru wantaim ol manmeri bilong Tahiti na ol arapela Pasifik kantri insait long Polinesia (Polynesia) olsem Hawaii, Tonga na Samoa tu.

Narapela man husat i luksave long sefing long 1886 long Hawaii em Mark Twain husat i tok em i lukim ol manmeri waswas long solwara wantaim ol hap diwai olsem sef bod bilong ol.

Ol ripot i kamap long olsem ol manmeri long Samoa i save mekim wankain samting wantaim ol hap diwai na hap bilong ol kanu long solwara tu.

Wok painim aut olsem ol manmeri long Samoa na Tonga i save pilai sefing bipo long Tahiti, Hawaii na ol arapela wantok bilong ol long Polinesia.

Tasol sefing tru olsem yumi save long en na i save lukim tu long tete, i stat long Hawaii wantaim wanpela man ol i kolim Duke Kahanamoku.

Em i bin wanpela gol medol wina bilong Olimpik Gems long swimming bipo em i mekim sefing i kamap bikpela na long stail we olgeta manmeri save long en tete.

Stail na ol samting bilong pilai

Strong bilong win i save mekim solwara i kirap na wanem sais em i save kirap long en.

Ol lain bilong sef i save luksave long ol ples we i save gat gupela win we i strong inap long kirapim gut solwara bai ol i ken i go ron antap long en.

Solwara i save bruk long tupela kain rot, rait han na lep han.

Sapos win i strong inap, bai em i mekim bikpela wara bruk we i save gat hul long namel na ol sefa i save laik long ron namel long dispela hul.

Dispela hul i save kamap taim wara i

kirap na i laik pundaun i kam daun long hap sait.

Long ronim sef bod bilong ol antap long dispela wara, ol pilaia i save silip antap long en na pul i go aut long solwara na trip long wetim wara long bruk.

Taim ol i lukim wanpela wara i laik bruk, ol i save sanap antap long bod na ronim dispela bod bihain bruk bilong wara.

Spit bilong wara i save pusim bod bilong ol na mekim ol i ron antap long en.

I gat kain kain bod bilong sefing, sampela i bikpela na longpela tru we inap long tupela man i ken sanap antap long en na sampela i sotpela na liklik inap long wanpela man tasol.

Ol i save mekim dispela ol bod wantaim diwai na eski bai em i strong tasol i noken hevi tumas.

Skin bilong en i wel na raun gut bai em i ken ron gut antap long wara.

I gat liklik tel o "fin" aninit long sef bod we i save helpim em olsem stia na tu mekim em i go spit moa.

Sapos yu laik traim save bilong yu long sefing, yu mas painim wanpela gupela sef bod, lainim gut long yusim dispela sef bod na tu yu mas save long swim.

Sefing em i spot bilong ol man na meri wantaim na i wanpela bikpela spot long planti ol bikpela kantri long wol olsem Amerika na tu long Yurop.

Sefing long PNG

Sefing em i wanpela spot we i wok long kamap bikpela long Papua Niugini.

Surfing Association of Papua New Guinea (SAPNG) em i mama ogenaiesen we i save lukautim na ronim olgeta pilai, trening na arapela program bilong sefing insait long kantri.

SAPNG i kamap tu wanpela wokbung wantaim Tourism Promotion Authority (TPA) bilong PNG we ol ples we spot i kamap long en, i ken kisim gupela luksave na pulim ol turis bilong ol arapela kantri kam i go stap na raun long hap.

Presiden bilong SAPNG, Andrew Abel, i tok sefing i gat bikpela sans long givim moa luksave long PNG na ol liklik ples insait long kantri we sefing i save kamap long en.

Planti em ol nambis ples long ol longwe hap bilong kantri na i nogat planti manmeri save raun i go tumas.

Tasol sefing i ken pulim ol manmeri bilong ol arapela kantri go long dispela ol ples taim o i kamapim ol lokol na intanesenel tonamen bilong ol tu.

Abel i tok dispela bai helpim ol manmeri long dispela ol ples long lainim na save long pasin bilong wok turisem bai ol i ken mekim sampela samting long kisim mani na arapela gupela samting i go long ples bilong ol.

Nau yet, sefing i save kamap strong long Wes Sepik, Niu Ailan, Sentrol na Madang, na em ii wok long surik i go moa long planti ol arapela nambis provins tu.

Sefing i ken lainim yu long save long save long pasin bilong solwara, win, senis bilong kilaut na strong bilong win na tu bai yu save long ron antap long wara na swim tu.

Em i no hat tumas long kamapim wanpela sefing klap long PNG bilong wanem solwara i stap long olgeta hap.

Yu mas painim tasol ol manmeri husat bai laik long stap insait long dispela spot na painim ol gupela sef bod bilong ol.

Olsem SAPNG i soim pinis, sefing i no bilong pilai long solwara tasol, em i ken kamapim ol arapela gupela wok tu olsem turisem we i ken helpim kantri na tu ol manmeri bilong wanwan komyuniti.

Sefing i spot we i ken kamap strong sapos moa manmeri save gut long en na i gat moa sponsa na promosen i kamap long en long ol ples we i gat bikpela solwara i save bruk olgeta taim.



PILAI SAMTING: Sampela ol sef bod.



BIKPELA WAR: Sampela bruk bilong wara i save bikpela tru.



LIKLIK WAR: Sampela bruk bilong wara i save liklik.



INSAT: Wanpela sefa i ronim bod bilong em i go insait long hul i kamap long wara taim wara i pundaun long bruk.



SPOTS DRO RAUN 19

Fraide : Julai 13, 2012



Suncorp Stadium

Broncos V^s Warriors



ANZ Stadium

Bulldogs V^s Eels



Sarare: Julai 14, 2012



AAMI Park

Storm V^s Cowboys



Hunter Stadium

Knights V^s Manly



Cambelltown Stadium

W/Tigers V^s Panthers



Sande: Julai 15, 2012



Canberra Stadium

Raiders V^s Titans



WIN Stadium

Dragons V^s Sharks



Mande: Julai 16, 2012



Allianz Stadium

Roosters V^s Rabbitohs



Williams bai go bek long NRL long 2013



KAM BEK: Williams bai go bek long NRL

NU Silan All Blacks insait senta, Sonny Bill Williams bai go bek long ragbi lig long 2013.

Williams i tokaut long tingting bilong em long go bek long ragbi lig dispela wik long Nu Silan.

Em i no tokaut long wanem NRL klap em bai go pilai wantaim tasol olgeta toktok i stret pinis na em bai statim trening wantaim ol long Jen-

uari 2013.

Williams, 26 kris-mas, i tok em i bin pasim tok wantaim dispela klap bipo em i go pilai ragbi yunion long Frens long 2008.

Ol nius ripot i bilip olsem dispela klap em Sydney Roosters tasol i nogat wanpela tok klia i kamap long dispela yet.

"Mi bin sekhan na pasim tok wantaim ol bipo mi lusim NRL tasol na yet mi no

inap tokaut long nem bilong dispela klap," Williams i tok.

Tasol bipo long dispela yia, Williams bai go pilai long Siapan wantaim Wild Knights, wanpela tim insait long nambawan ragbi yunion resis long hap.

I gat bilip olsem Williams bai kisim \$1.2 long kontrak blong em long Siapan na long NRL bai em i kisim narapela \$570,000.



The Department of Environment and Conservation and United Nations Development Programme request the services of a consultant to provide Consultancy Services to conduct Peer Review of PNG's National Action Plan

Background

The Capacity Building for Sustainable Land Management (SLM) Project in Papua New Guinea (PNG) is a Medium Sized Project (MSP) funded by Global Environment Facility (GEF) through UNDP. The project is implemented directly by DEC and is in the final year of implementation.

A project component is for PNG to formulate a National Action Plan (NAP)- as a signatory to United Nations Convention to Combat Desertification (UNCCD). A draft National Action Plan was prepared through a series of literature review and stakeholder consultations in 2011 and is due to be finalised pending final peer review. The main purpose is to review the draft NAP to ensure the scope does not change but captures key information that is correct in content. DEC therefore invites Expression of Interests from suitably qualified and experienced experts (nationals or internationals) in the country.

Scope of Consultancy Services

The NAP Consultant will work under the direct supervision of the SLM Project Manager and guidance from UNDP. The consultant's specific duties include:

- Review the content of draft NAP and identify information gaps
- Collate information to fill the gaps on the content of the Outcomes, Outputs and Activities as identified in the NAP
- Ensure information on content are latest and reflect the priorities of the government in all the areas highlighted in the draft NAP
- Ensure information provided are substantiated with references made available
- Incorporate findings from the NCSA report on the UNCCD under the Capacity and Research component of the NAP
- Assist DEC identify the relevant government agency to lead the implementation of the NAP including monitoring and leading the reporting process to UNCCD
- On the basis of all the above and in close collaboration with DEC, prepare final National Action Plan and SLM Investment Plan for submission for endorsement to National Executive Council
- Assist DEC facilitate the National Executive Council Endorsement of the NAP.

A detailed Terms of References which outlines the full scope of this consultancy can be obtained by contacting **UNDP HR Associate on 321 2877; email yvonne.baloiloi@undp.org** or by visiting **Level 14, Deloitte Tower, Douglas Street, Port Moresby.**

Essential Requirements

- Advanced qualification in environmental science and/or natural resource management related field. Minimum Masters Degree is desirable but no a requirement

- A minimum of 5 years of working experience is required
- Familiarity with UNCCD, the UNCCD 10-year Strategy, UNCCD Focus Areas and the alignment of National Action Programmes
- Proven ability to interact with a wide range of stakeholders, including government agencies, donors, civil society players, and the private sector
- Have extensive experience in the environment and natural resource management fields
- Possess a sound understanding of the concept of climate change and environmental sustainability, and its application to sustainable land management issues
- Familiarity with land degradation issues, and some of the options to address these, in a rapidly growing natural resource based economy within a developing country context
- Previous work experience in Melanesian Pacific countries with customary land tenure rights is desirable

Terms and Conditions

The consultancy is for a maximum of 20 working days. The Consultant will receive payment based on deliverables in accordance with UNDP procurement policies, rules and procedures as per the payment schedule and negotiated contract based qualification and experience. The fee payment does not include travel and logistical costs.

Application Process

The Closing Date for applications is: **20th July, 2012** and interested individuals should ensure the Expression of Interest Proposal contains:

1. Personal updated CV including Personal History Form (please contact UNDP Office on telephone 675-321 2877 or e-mail registry.pg@undp.org for P11 form) including past experiences in similar consultancy and at least 3 references with a cover letter.
2. Technical Proposal:
 - i. Explaining how the applicant meets the selection criteria/most suitable for the work;
 - ii. Provide methodology on how applicant will approach and conduct the work if successful;
3. Financial Proposal - The consultant is requested to provide a proposal or quotation of costs including fees for the services rendered, airline tickets to and from place of origin + miscellaneous expenses.

Only those who meet above criteria should apply. All EOI should be submitted to:

National Action Plan Peer Review-SLM Project
Attention: Steven Paissat
United Nations Development Programme
P.O.Box 1041, **Port Moresby**
National Capital District.

Only those short listed will be notified.

Raun 18 Poin Leda

Pos	Tim	W	L	D	B	+/-	Pts
1.	Storm	12	4	0	2	165	28
2.	Bulldogs	11	5	0	2	128	26
3.	Sharks	10	5	1	2	29	25
4.	Broncos	10	6	0	2	84	24
5.	Sea Eagles	10	6	0	2	67	24
6.	Rabbitohs	10	6	0	2	53	24
7.	Cowboys	9	7	0	1	79	22
8.	Warriors	8	8	0	2	32	20
9.	West Tigers	8	8	0	2	-4	20
10.	Dragons	7	9	0	2	-44	18
11.	Raiders	7	9	0	2	-59	18
12.	Roosters	6	9	1	2	-120	17
13.	Titans	6	10	0	2	-38	16
14.	Knights	6	10	0	2	-65	16
15.	Panthers	4	12	0	2	-130	12
16.	Eels	3	13	0	2	-177	10

PNG Gems bai kamap yet long Kokopo

Michael Novingu i raitim

PNG Gems Kausil i bin tok nogat long namba 5 PNG Gems i go het long Kokopo, Is Niu Briten provins, tasol PNG gems ogenaising Komiti tok gem bai go het yet long hap long Novemba.

Siaman bilong PNG Gems long Kokopo, Se Rabbie Namaliu i tok, maski ol samting bilong pilai olsem ol pilai graun na arapela samting i no redi,

tasol ol gems bai go het yet.

Se Rabbie i tok olsem ol samting bilong pilai bai redi long Takubar pilai graun na gems bai go het.

Em i tok wok rere nau i go het long Takubar pilai graun long kisim moa long 8,000 pilai manmeri kam long Novemba.

Se Rabbie i tok, ol gems bai kamap long ol distrik na i no long Takubar tasol.

Em i tok ol i makim 17 hap pinis bilong ol pilai kamap long

en.

“Ol bai pilai ol gem long ol skul insait long ol distrik long provins bai bihain long gem, ol dispela samting bilong pilai bai stap bek long dispela ol skul long bai papa long en,” Se Rabbie i tok.

Em i tok, “Mipela i laik kisim ol pilai go long ol distrik long ol pipel bai kamap papa long en na ol pilai ken helpim sindaun bilong ol tu.

“Wok long stretim Takubar pilai graun bai pinis klostu

nau, mipela putim toksave pinis long wokim gren sten na ol arapela hap long pilai tu.”

Long wankain taim, Se Rabbie i tok ol i save long hevi bilong ron bilong ol sip na balus i kam long ENB.

Se Rabbie, i singaut long ol bosman bilong ol spots long tim ENB olsem, noken wari bilong wanem gem bai go het long provins na ol i mas amamas long kisim ol pilai manmeri long arapela provins i kam pilai long hap.

PNG ken kamap nambawan long soka

Andrew Molen i raitim

TUPELA save man bilong soka i lukim olsem Papua Niugini ken kamap wanpela nambawan soka kantri insait long Pasifik.

Wanpela as long dispela em bilong wanem PNG i gat planti moa manmeri na bikipela ples we ol wok developmen bilong soka i ken i go moa long en.

Tupela man husat i luksave long dispela em Patrick Jacquemet, husat i teknikal dairekta bilong Osenia Futbol Konfederesen (OFC) na Giovanni Fernandes husat i het kosa bilong Esia Pasifik Futbol Akademi long Nu Silan.

Jacquemet na Fernandes i kam long PNG long Mande dispela we ol i go lukluk long wok bilong PNG Futbol Asosiesen long Lae na Mosbi. Na tupela i tok PNG i gat sans long kamap wanpela bikipela soka kantri long Pasifik sapos i gat sampela moa gupela trening program na ol ples bilong pilai na trening i stap.

“Mipela i kam long lukim wanem kain ol trening program mipela i ken kamapim long hia long helpim na apim level bilong gem long PNG,” Jacquemet i tok.

Em i tok ol i laik kamapim ol nupela program we bai apim level bilong soka long PNG i go kamap olsem ol arapela bikipela kantri olsem Nu Silan,



SAPOT: Jacquemet (lephan) na Fernandes i amamas long ol samting bilong soka ol i lukim long PNG long raun bilong ol dispela wik. POTO: Andrew Molen.

Australia na ol arapela.

“Namba wan samting long i gat em ol gupela ples na samting bilong pilai na trening.

“Bihain long dispela, i mas i gat ol gupela program i stap na ol nambawan kosa tru i stap long ronim ol dispela program,” Jacquemet i tok.

“I mas i gat wanpela het kosa tu i stap long lukautim na was long wok bilong ol dispela arapela kosa,” em i tok.

Fernandes i tok narapela gupela samting ol i lukim long PNG em pasin bilong ol manmeri long givim taim na tingting bilong ol long helpim.

“Dispela em i wanpela bikipela samting tu long lukim ol wok i kamap gut, i mas i gat ol manmeri husat i ken givim

taim, save na strong bilong ol long mekim ol dispela wok,” em i tok.

Jacquemet i tok ol i amamas long ol samting ol i lukim long futbol akademi ol skul bilong soka long Lae na ol bai helpim PNGFA long kamapim ol program na trening long strong soka long PNG.

“Olgeta kantri long Pasifik i gat wankain hevi long nogat ol gupela ples bilong trening na pilai na mipela i laik givim dispela helpim.

“I gupela long mipela i makim PNG olsem wanpela kantri long kamapim dispela wok pas bilong wanem em i bikipela kantri insait long Pasifik,” Jacquemet i tok.

Tupela i tok ol dispela pro-

gram bai kamap hariap na ron gut insait long PNG bilong wanem PNG i gat planti ol gupela samting pinis i stap long Lae na Mosbi we ol i raun na lukim.

“Dispela i gupela na bai mekim wok bilong mipela isi bilong wanem planti ol arapela kantri nogat wanpela samting na mipela i save go wok wantaim ol,” Jacquemet i tok.

Ol i kamapim sampela moa bung wantaim PNGFA long Trinde dispela wik na i tok ol wok bai stap long Septemba na Oktoba dispela yia na ron i go inap long Disemba.

Insait long dispela ol nupela program bai gat trening bilong ol goli, ol meri, ol kosa na planti arapela tu.



Ileksen i ken helpim ol distrik spots olsem wanem?

I GAT planti ol politisen husat i save laikim spots long ol ilektoret bilong ol.

Long wankain taim tu, i gat ol arapela politisen husat i no save laikim spots tumas tasol ol i save sapotim spots long winim laik na sapot bilong ol manmeri long ol yet.

Taim mi toktok long pasin bilong yusim ol politisen long developmen bilong spots, mi min long olgeta hap bilong spots developmen.

Kain pasin bilong givim mani long sapotim ol spots tonamen na bung i no save helpim gut tumas long kamapim na strongim spots insait long ol komyuniti.

Mipela i laik lukim stret ol samting we i ken kamap na i stap long taim insait long komyuniti we olgeta manmeri ken yusim long helpim ol yet i kamapim wanpela gupela samting insait long laip bilong ol.

Wanpela askim bilong yumi nau em, wanem samting tru bai yumi ken mekim long dispela taim bilong ileksen long helpim na strongim spots insait long komyuniti bilong yumi?

Ating mi no laik raitim dispela ol toktok na askim bipo long taim bilong vot bai yumi ken kisim sampela save long en.

Tasol em i orait, i gat taim yet long yumi ken lukluk long dispela hevi.

Dispela hevi em long lukim wanem samting spots i ken kisim long dispela taim bilong ileksen long kamap bikipela na strongpela moa.

Olgeta spots manmeri mas tingim dispela na votim wanpela man o meri husat i gat ol gupela polisi bilong developim spots long ol ilektoret bilong ol.

Wanpela long ol gupela spots polisi we ol i ken i gat em long kamapim ol spots edukesen program bilong ol gupela spots manmeri long ilektoret na provins bilong ol we bai promotim ol gut.

Em i mas ol kain polisi we i ken helpim long mekim gupela senis long laip, tingting na pasin bilong ol manmeri bilong ol.

Taim i gat dispela kain gupela senis i kamap long tingting na pasin bilong ol manmeri, gupela senis bai kamap tu long laip bilong ol insait long komyuniti.

Sapos ol i no senisim ol dispela pasin bilong ol, em bai ol komyuniti bilong ol i bungim hevi yet na laip bilong ol manmeri bai go hat moa.

Wok bilong senisim tingting na pasin bilong ol manmeri em i no isi samting.

I mas i gat ol manmeri wantaim gupela save bilong mekim dispela wok na tu pasin bilong stap isi na wetim dispela senis long kamap.

Long dispela as, man o meri yumi makim long taim bilong ileksen, i mas wanpela man husat bai nap long mekim dispela kain wok i kamap tru.

Em i mas save gut long wari na hevi bilong ol manmeri long kain samting olsem.

Wanpela samting ol i ken askim, em long save olsem ol dispela senis ol bai helpim long pasin na tingting bilong ol manmeri bai helpim long kamapim gupela sindaun long laip bilong ol.

Wok bilong sapotim ol spots tonamen na spots kompetisen nating em i no gupela tumas na i no save helpim planti ol manmeri na ol komyuniti tumas.

Dispela em bilong wanem, planti bilong ol i no save ron longpela taim na tu astingting bilong sapotim o kamapim dispela ol tonamen em bilong ol sponsa o sapota tasol, we planti bilong yumi no save gut long en.

Ol lain husat i save mekim dispela planti taim em ol politisen, husat i save sapotim ol tonamen na kompetisen long kisim luksave na sapot bilong ol manmeri tasol.

Kain ol sapot i ken helpim tu tasol em bai no inap helpim tumas long sait bilong senisim ol pasin na tingting bilong ol manmeri.

Dispela em sampela ol samting ol kendidet na ol sapot i mas lukluk gut long en bipo ol i givim o kisim kain sapot bilong spots.

Arapela ol developmen bilong spots olsem mekim ol pilai graun na ol ples bilong trening na malolo na ol samting olsem i ken stap long taim na helpim spots gut tu.

Stone na Wisil go insait long Olimpiks

i kam long bek pes..

“Toea i wok long stap insait long gupela trening wantaim nambawan rana bilong ol meri long wol, Sally Pearson, bilong Australia na em i laik kisim gupela mak tru bilong ron taim etletiks resis i stat long Olimpiks long Ogas 3,” Green i tok.

Long wankain taim, Stone i wok hat long traime na kisim fom em i bin stap long en taim em i brukim 400m PNG

nesenel rekot wantaim 46.70 sekens long 2010 Komonwelt Gems long India.

Nambawan taim bilong em long dispela yia em long Kwinslen sempionsip long Mas we em i putim 47.01 sekens.

Wanpela wik bihain, em i kisim bagarap long sangana bilong em long Nesenel Sempionsip long Lae na taim bilong em i go daun long 47.84 sekens taim em i go ron insait long McCain Birmingham Gems las wik Sande.

Taim bilong em long dispela resis i aninit long nesenel rekot bilong em tasol em i pinis long namba tu ples we i soim olsem em i wok long kisim spit bilong em gen.

Long dispela Birmingham Gems resis, Wisil i winim 100m resis bilong em insait long 11.61 sekens.

Green i tok amamas tu long Betty Burua na Mowen Boino husat tupela i wok hat tru long gem bilong ol tu.

“Tupela tu i stap long gut-

pela fom tasol ol i mas wokhat moa long apim ol apim ol taim bilong ol,” Green i tok.

Em i givim luksave tu long Boino husat is tap long taim olsem wanpela intanesenel etlit bilong PNG.

“Mowen i helpim long apim mak bilong etletiks long PNG wantaim ol resis bilong em long Australia, Belgium na UK nau.

“Em i mas amamas long ol gupela resis em i kamap dispela yia,” Green i tok.



NEW PREMIUM TUNA

DIANA

PROUDLY PNG MADE






Stone na Wisil go insait long Olimpiks

Namba wan taim bilong ol

NELSON Stone na Toea Wisil em tupela laspela pilaia bilong Papua Niugini long kwalifai long go resis long Olimpik Gems long London.

Tupela i kisim tok orait long Tunde dispela wik na i redi nau long salensim ol arapela nambawan etlit bilong wol.

Wisil na Stone i kisim namba bilong ol PNG etlit long tim i go long 8-pela olgeta.

Ol arapela em Theresa Tona bilong Taekwando, Raymond Ovinou bilong Judo, Judith Meaurio na Ryan Pini bilong swimming na Dika Toua wantaim Steven Kari long weiltlifting.

Stone bai resis long 400m

resis bilong ol man na Wisil bai stap insait long 100m resis bilong ol meri.

Presiden bilong Athletics PNG (APNG), Tony Green, i tok Wisil i stap long gutpela fom dispela yia na soim tru olsem em i nambawan rana bilong ol meri long PNG nau.

Moa long Pes 27.

RESIS: Wisil na Stone i soim gutpela mak long resis bilong ol long Birmingham Gems las wik Sande long London. Ol i laik kisim dispela gutpela fom i go insait long Olimpiks tu.

OL POTO: APNG.



CARPENTERS MOTORS

Introdusim



- SETIFAIID KILOMITAS
- 6 PELA MUN FRI SEVIS
- 6 PELA MUN ENSIN WARANTI
- SEFTI STIKA INSPEKSEN FRI LONG TAIM YU KISIM KAR (Inspeksen tasol)
- 10% DISCAUNT LONG OL PARTS NA LEIBA *Kondisens bai aplai
- OL SAVE TEKNISEN BAI SEVISIM KAR BILONG YU
- IGAT 20 POINT MEKENIKOL SEK

● Nambawan Expiens ● Hamamas long Kisim ● Tru long Yumi

9.9% FAINANS long ol **DIAMOND CLASS VEHICLES** *Kondisens bai aplai!

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com